

M. med.

197

40 lat. nov. 197.

Med.

quod. med. quod

D. Augusti Quirini Rivini, P. P.

CENSURA
MEDICAMENTORUM
Officinalium.


LIPSIÆ;

Apud JACOBUM FRITSCH,
Anno M DCCI.

D. Augustinus Confessio 1515

AUGUSTINUS

MUSEUM HISTORICUM



THE UNIVERSITY OF MICHIGAN



J. D.

His procul dubio Medicina, cum nasceretur
primum, paucissimarum barbarum scientia,
precipue illarum, quæ in alimenta hominum
cedebant. Ut enim sanitatem, quantum pos-
sibile, integram servarent mortales, ante
omnia discernere salubria a dicerunt ab insa-
lubribus. Cumque deprehenderent oleribus
etiam fructibusque vim inesse Medicamen-
tosam, ac inter ea quadam laxare nitum, alia eandem obstruere,
nonnulla refrigerare atque sic porro, hinc cæperunt paulatim cogi-
tare de regimine diæte in morbis, ac postmodum etiam de reliquo-
rum vegetabilium usu. Nec enim difficile fuit à minori ad ma-
jus argumentari: quando viderunt ab iis, quæ temperatissima elige-
bant pro cibo, corpus manifestè alterari, rectè judicarunt idem
hoc magis posse cætera excellentiore odore ac sapore prædita. Ur-
gente igitur necessitate tentare quævis obvia non dubitarunt, at-
que sic paulatim copiam remedium peperit multitudo egroiantium
medicantiumque. Nam & Græci, & Arabes, Barbari omnis
generis idem experti sunt satum; unde nec mirum est, tot exoticis
hodie constare materiam Medicam, tot generosis & ignobilibus, tot
laudabilibus & illaudabilibus, postquam literati & illiterati à
mundo condito ad hanc usquè horam congerunt, quicquid placuerit.
O nos felices, quibus officina patet instructissima, scilicet
auro gemmisque, margaritis aliisque pretiosis repleta, stercoribus
etiam variisque quisquiliis onusta, ut pro lubitu quisque sibi eli-
gere medicamentum valeat. Hæreo, an non Medicis major igno-

* (4) *

minia quam honor, Pharmacopœis damnum majus quam lucrum, agrotantibus nausea potius quam desiderium atque fiducia inde nascatur, quod quævis promiscue sine omni judicio conservata tam sanctè custodiuntur in Apothecis.

Horrent non pauci, ac horrerent omnes, credo, quæ præparantur ac distribuuntur in Officinis, si rescirent, quibus contaminentur lances, mortarium & reliqua utensilia. Novi faminas, quæ morbum ac dolorem quemcunque pati, quæ mori malint, quam vel unicum granum guttulamve unicam è pharmacopolo assumere, quod aliquando audiverint, est tàmè allerky von nimen Sündern in die Apotheke. Quid quæsa fieret, si & patibula cranium cum unca, si nummis solo aspectu abominandas, si stercore & lotium, priapus cum testiculis atque similia ibidem præparari ac dispensari ad curam agrorum intelligerent. Hanc unicè ob causam memini Medicum in cura scorbuti aliqui felicissimum & per plures annos celeberrimum planè derelictum exosumque fuisse omnibus, quod cognoscerent cum lumbricis terrestres quotidiano in usu habere. Ast viperas etiam bufonesque, scorpiones atque araneas quis non fastidiat, ac nihilominus à Medicis magni nominis laudantur, medicamentis annumerata secretioribus.

Sed Pharmacopœorum quoque interest plurimum certis limitibus coerceri multitudinem Officinalium non tolerandam. Bona Deus, quantum apparatus postulanti simplicia, cruda & præparata, quantum composita. Utque major sit numerus vasorum lingnorum, vitreorum, stanneorum, multiplicantur entia præter necessitatem. Quid enim obstat, idem etiam remedium sub varia forma repeti; en tibi radicem ari siccatam, en pulverem radicis ari præparatæ, en seculam rad. ari. Si Corvæ Corvi desideras, in promptu est integrum & raspatum, philosophice non minus quam vulgari modo præparatum, vel saltemustum: ecce magisterium C.C. ut taceam gelatinam, essentiam, spiritum, sal vol. liquorem C.C. succinatum &c. Usitata hæc tamen sunt, atque ideo jacturam binc nullam facit Pharmacopœus. Quid si vero longa serie recenscam integras Classes Medicamentorum sub titulo Specierum, Confectionum, Rotularum, Trochiscorum, succorum inspissatorum,

Extra-

Extrahorum, Pilularum, & quibus vix unum vel alterum praescribitur à Medicis politioribus. Destitanda sunt ultra bis centum aqua quotannis, sufficerent decem. Nec plures in usu Syrupi sunt, neque Conserua plures necessaria; si autem omnes parare oporteat, verendum ne saccharum consumatur uniuersum, quicquid naves ex insulis Fortunatis apportant. Sed ponamus, extis, quae in Catalago tria millia circiter numerantur, supervacaneas esse duas tertias, annon feriatur maxima pars impensarum? hoc ergo damnum ut aliunde resarciatur, necesse omnino est, pretia usualium plus iusto augeri, maiore cum detrimento agrorum quam fructu Pharmaciae: utpote qui domum integram, si modo sat capax fuerit, implere atque occupare inutili copia, pluresque famulos servosque nutrire constanter debet, ne desint, qui frustra colligant, praeparent, afferrent atque custodiant, alio tempore iterum ejicienda.

Equid Medici ad haec? redundat profecto culpa non levis in illos, quippe quorum inspectioni ac regimini cum Pharmaciae merito subiecti sint tanquam ministri; nemo est, qui non existimet, Medicis placere, quae non ex Officinis relegantur. Ponderemus jam, uti par est, Officinalium conditionem, & judicemus, annon pleraque in dedecus & opprobrium Medicorum coacervata videri queant. Si quis dixerit fortasse per negligentiam tolerari quae ferenda non sunt, aut per imperitiam non discerni posse musceram à pipere, quid respondebimus? Enimvero non his demum diebus talia nobis in mentem veniunt. Legat, qui pelis, saltem Job. Bapt. van Helmont Pharmacopolium ac Dispensatorium modernorum, item Danielis Ludovici Pharmaciae moderno saeculo applicandam, alios libens praefero. Neque tamen me prorsus inanem cepisse laborem puto, si quae nondum satis dicta sunt, repetam, clariusque demonstrem, salva conscientia, salva existimatione nostra Officinas in costatu, qui de praesenti est, relinqui nullatenus posse.

Luculentius id apparebit postea, ubi ostendero, quamplurima in eis haberi prorsus aliena, sordida, ignobiliora, spuria, superstitiosa, ridicule preparata, incongruè mixta. De singulis agendum erit seorsim, quo magis distinctè cuncta intelligi queant. Sit ergo

CAP. I.

De

Alienis, ad Officinam Medicam haut pertinentibus.

§. 1.

Quanquam Catalogus Officinarum in rubro nil nisi medicamenta promittat, in nigro tamen occurrunt non pauca, quæ nomen illud nequaquam merentur. Nec ego mentionem horum facerem, nisi metuendum mihi sit, ne non attendisse videar, hinc inde medicamentis, quorum censuram in me suscepi, remerè interjecta. Suppono nimirum tanquam firmum Pharmacopœi Officiûm in eo consistere, ut pro ægrotantibus medicamenta præparet à Medico præscripta. Quicquid ergo ad curam hominum à Medicis non adhibetur, ad officinam nullatenus pertinet.

§. 2.

Jam vero subsumo, i. quæ *brutis destinata sunt: Aloë caballina, Sulphur caballinum, Unguentum ad ungulas equorum*, atque aliud *contra scabiem equorum, pulvis pro pecore, pulvis pro porcis*. Annon infra dignitatem est Pharmacopœi præparare, asservare, divendere, quæ meliore jure Officinam fabri aut stabulum hippocomi, vel ovile aut bubulci subulcive peram ornarent. Et quemadmodum artem Veterinariam exercere Medicum haud decet: ita nec risum ludibriumque istorum hominum effugere potest, qui ausit se talibus immiscere vel qualecunque lucellum inde sperare; ad quorum medelam innumera ubivis obvia expertus est quivis idiota.

§. 3.

Quid dicam 2. de *venenis*, uti sunt *Arsenicum album, flavum, rubrum, Auripigmentum, Cobaltum*. Utimur iis ad necandos glîres ac mures muscasque, sed à Medico prudenti & conscientioso vix ac ne vix quidem annumerantur Medicamentis. Vidi Chirurgum castrensem, qui paucis arsenici granis

granis loco vomitorii utebatur in cura febrium, modo felici, modo infelici cum successu, quod ipse mihi fassus est ingenue. Ponamus autem stomachum pituita plenum, à tali veneno minus non nunquam lædi, anne igitur secusè datur? Anne licebit illud propinare omnibus promiscuè, delicatioribus ac tenerioribus? Siquè aliquando male cesserit, quomodo declinabimus à nobis temeritatis notam? Conferatur D. Georg. Ern. Stahl, Prof. Hal. Observat. Chym. Phys. Med. Curiosarum Mensis quintus.

§. 4.

Ecquid 3. *Pigmenta*, sibi volunt? *Bolus vulgaris*, *Creta*, *Ocra*, *Rubrica*, *Ærugo nativa*, *factitia* & *crystallisata*, *Cerulea citrina* *Miniumque*, *Cinnabaris factitia*, *Plumbago*, *Cadmia ferrei coloris*, *Argentum foliatum*, *scriptorium* & *Muscum*, *Aurum foliatum finum* & *bicolor*, itemque *scriptorium*. His adde, quæ regnum vegetabile subministrat, *Lignum Brasilianum rubrum*, *purpureum luteumque*, *caeruleum Indicum*, *Lacmus*, *Laccam Florentinam* & *in rotulis*, *Orleanam*, *succum cervispina*, & quæ sub titulo *Tornafolis* linteola succo heliotropii tricocci aut mori ceraforumve tincta. Quamvis enim nonnulla horum à quibusdam in usum Medicum aliquando vocentur; insignis tamen vel adeo singularis haud existit, quin alia ex Officialibus in eorum locum surrogari queant citra periculum damnumve. Neque sequitur ad quasdam Compositiones illa præcise simplicia recipi debere, itaque hoc nomine in Officinis servanda esse. Quo enim jure Bismuthum, Magnes, Mercurius sublimatus, Stannum Anglicum, Zinckum, Scorpiones, Tartarus, Radix Cynoglossæ, fructus Cacao, cum vaginiliis & frumento Indico è Catalogo simplicium omittuntur, cum tamen ad Magisterium Bismuthi, Emplastrum stipticum Crollii, Mercurium dulcem, antihecticum Poterii, flores Zinci, Oleum Scorpionum, Sal fixum, spiritum tincturamque Tartari, Pilulas de Cynoglossa, succoladamque recipienda sint: eodem jure omittitur Minium, ærugo, Creta &c. quanquam Emplastrum de Minio, Unguentum Egyptiacum atque alia ingrediantur.

§ 5.

Si quis 4. *Cosmetica* etiam *Crollis* aliorumve rejiceret è Pharmacopœa, me facile consentientem haberet. Non ignoro Medicos omni tempore fuisse, qui eorum quoque etiam in se susceperint: Quid? quod Chymici non minores sibi divitias ex oleo Talci quam ipso lapide Philosophorum pollicentur, siquidem fucus in aula carior quovis auro æstimatur, Infra d'gnitatem nihilominus Medicorum & Pharmacopœorum esse videtur, quæ apud omnes myropolas vulgo prostant, Catalogo Medicamentorum officinalium inseri: Tales sunt *panniculi bombycini rubro colore imbuti*, Italis *le Pezette*, ad tingendas genas & labia; *Talcum*, præparatum tamen ad nitorem conciliandum cuti; *Sapo Venetus & odoratus cum spongia marina*, Balnearioribus ad fordes abstergendas utilior.

§ 6.

Idem §. de *Odoramentis* in genere judicium esto; *Pomo ambra*, *Trochiscis alipta moschata*, de *Gallia moschata*, de *benzoe cum moscho*, de *rosis cum moscho*, pro fumo cum & sine moscho, baculis fumalibus cum moscho & sine moscho, *Candelis pro fumo cum moscho & sine moscho*, pulveribus pro fumo cum moscho atque communibus, pro divitibus atque pauperibus quis utitur in curis ægrotantium? Num quis ex Officina petit pulverem *Cyprium*? quem barbitonfores & qui capillo crispando & ad ornatum componendo unice operam dant, gratis fere dispergunt exiguoque pretio venditant. Non dicam seplasiarios occurrere, qui suaveolentia ex professo parant ac miscent egregia, unde singulares novique prorsus emergunt odores, cum quibus comparari veteres tritaque compositiones nullatenus possunt. Itaque nec *balsama*, prout in Officinis habentur, in magno sunt valore, si antapoplecticum excipias ac fortè rutaceum, in casu necessitatis quandoque desideratum.

§ 7.

Quem verò in finem 6. *Saccharata* in tanta serventur copia, non video. Nominantur octo ipsius *sacchari* species; *Canariense*, *candum album* & *rubrum*, *farinaceum*, *Melitense*, *pedi-*

nidium, rubeum, Thomaum; cur non additur ambratum? revera elegans. Sed fortassis unum instar omnium esse poterit. Hem! *Confectorum* seriẽm, *Rad. Acori, Amygdalarum dulcium, Anisi, corticum Aurantiorum, atque Citri &c.* aut si *candisata* MAVIS, ecce *radicem eandem Acori, fructus Amygdalarum dulc. Cortices aurantiorum ac citri &c.* Si vero succulenta magis palato arident, en *Radicem Acori conditam, cort. Aurant. Citrique* atque similia plura. Nec desunt *Rotula aromatica cum moscho, rosata cum & sine moscho, è berberum succo, diambra, dianthos* atque sic porro: item *Morsuli è berberum succo, è citro, è Cydoniis cum speciebus & fructibus, Imperatoris cum fructibus. En panem Casareum, Martiumque simplicem atque compositum cum speciebus.* Est & *Succolada* in promptu. Dolendum saltem plerosque homines nauſcare delicias pharmacopœorum, juxta proverbium ab Helimontio allegatum: tolle istud, nam Apotheca odorem habet; alioqui mundus non difficulter careret cupidinariis circa bellaria illa & saccharatas confecturas occupatis; careret quoque cauponibus aquariis, Thee, Coffee ac Succolada potum otioſæ plebi ministrantibus.

§. 8.

Crediderim autem in gratiam puerorum dulcia illa præparari; quid igitur Viris loco saccharatorum exhibebimus? procul dubio, quæ 7. commemoranda veniunt, *sale acetoque condita*, majori appetitui excitando idonea. Hujus generis sunt *Cappares in aceto vel cum sale, Citri flores in aceto, Limones cum sale, Oliva cum sale.* Cur non adjiciunt Cucumeres acidos cum halece, aut Brassicam muriaticam cum botulo probe salito ac piperato? Extra jocum. In oppidulo, ubi Pharmacopœi labores reditusque parciore sunt, nil vetat eum Chartas luforias etiam, tabacumque cum fistulis ad fumigandum factis vendundare, præsertim deficientibus tabernariis: ast in Urbe nobili, mercatoria, imperiali, regia, tale quid fieri non cernimus. Saltim Catalogo Medicamentorum inseri nequeunt.

§. 9.

Verum occurrunt adhuc plura 8. quæ ad usus domesticos mechanicosque magis quam formulas reinediorum quadrant. *Cera Hispanica, rubra & viridis ad sigillandum apta est arborea hortulani utilior: Pix navalis vicioribus & naupegis, Colophonia fidicinibus, Ichthyocella vino clarificando, canopolis, arculariis ad glutinandum comoda. Tripolis, Smiris, Fumex, & Alumen fixibile ad polienda metalla, vitra gemmasque optima artificibus perquam necessaria: sicuti Gypsum & Calk vitæ cementariis fabrisque murariis. At quorsum referam sulphur citrinum acque brunum, mineram antimonii atque mercurii? Quamdiu enim suppetunt flores sulphuris, non adeo pretiosi, possumus carere sulphure citrino ac vivo. Nec mineris antimonii mercuriive utimur in medicamentis, sed præparatis ex antimonio, & cinnabari nativa.*

§. 10.

Ut itaque in summam hætenus recensita contrahamus, concludimus ita: Quæcunque ad curam hominum egrotantium non adhibentur, ea tanquam aliena è Catalogo Medicamentorum officinalium ejicienda sunt: Atqui brutis destinata remedia, Venena, Pigmenta, Cosmetica, Odoramenta, Saccharata, sale acetoque condita, & quæ in usus alios domesticos mechanicosve asservantur, non adhibentur ad curam hominum egrotantium. Ergo tanquam aliena è Catalogo Medicamentorum Officinalium ejicienda sunt.

CAP. II.

De

Sordidus ac nauseosus, quæ nomen Medicamentorum non merentur.

§. 1.

Si afflicto afflictio addenda non est, pessime agunt omnino, Squisus opem ferant agris, indiscriminatim quicquid in manus venerit, sordida ac nauseosa maximè propinant. Et quemadmo-

admodum hac ratione miseri ab usu Medicamentorum deterrentur, nec facile ullum levamen sentiunt ab his quæ abhorret natura: ita profecto Artem optimam ac se ipsum prostruit, & contemptui ac ludibrio vulgi exponit, qui non veretur in tanta egregiorum remediorum abundantia exhibere turpia quævis, foetore cadaveroso atque stercoreo moesta, sapore summe nauseoso ingrata, tota substantia homini, etiam minus delicato, ac vel solo nomine, abominanda.

§. 2.

Ponamus enim iis qualemcumque medendi vim inesse, ergone porrigenda sunt ægrotantibus? non putarim. Medicum certe insignis arguit simplicitatis, si forte mutare nolit, quæ Veteribus in defectu meliorum usitata fuerunt. Sed minus prudens doctusve judicabitur, si loco huiusmodi nauseosorum substituire alia longe gratiora nesciat. Quasi vero specifica virtus adversus morbum quendam uni tantum rei à Creatore benignissimo concessa sit, qui potius hominis gratia condidit omnia, ut in casu necessitatis quoque preperiret unde dique terrarum, quibus succurreret suæ miseria. Videlicet ægritudo nulla est, ad cuius medelam, non innumera dantur remedia; nostra proinde culpa i. e. ignavia nostra relinquuntur quamplurima, optima etiam in experta; sed excusationem fortassis prætereundum possumus, quandoque nullis medicamentorum defectus adest; si vero in quodam morbi genere non nisi ejusmodi sordida proflent, graviter peccat qui desinit alia tentare aut saltem querere apud Autores, usque dum repertum fuerit dignum aliquod gratumque medicamentum.

§. 3.

Inter ea quæ abhorremus natura, extra dubium i. *Mumia* est cum omnibus è corpore humano defunctis, quorum nihilominus ingens numerus in officinis habetur. Est locustia *Ægypto* aliquot leucis à ruderibus *Memphis* distans, unde funera illa medicata, juxta relationem ocularis testis *Breunin-*

gii, Itinerar. Orient. pag. 118. & Petri de Valle pag. 103. erui ex arena & apportari ad nos solent. Quo morbi genere interierint, peste an veneno, incertum est; nec refert quo pacto servata fuerint, Aloë Myrrhaque, an resina cedria, vel asphalto. Inter rariora tamen officinarum custodiuntur sanctè: ac miscentur non modo in substantia cum aliis pro pulvere contra casum, & Athanasia magna & emplastro Apostolico, de Betonica, Crollique stiptico; sed & paratur exinde quædam Essentia Mumiæ veræ, vel extractum, quod inter alia etiam Laudanum opiatum Quercetani Majus ingreditur. Cui bono? lege Renodæi Dispensatorium.

§. 4.

Verum qui Mumiæ non odit, amet *piguedinè humanam cum medulla ossium, secundinam primiparæ* atque paratum *Spiritus & Aquam cerebri humani, Spiritum & Sal vol. sanguinis, urina, cranii humani, ol. cranii humani, gelatinam cran. humani* & in forma pulveris *cranium patibuli, preparatum & usum, magisterium cranii humani, ossa microcosmi preparata & usita.* Nec cingulum è corio humano displiceat: per me licet. Anthropophagia Scytharum, Americanorum & reliquarum crudelissimarum gentium damnatur ab omnibus; quis credat moratiores adeo immanes, ut è manu carnificis (non dicam Anatomici) turpiter cupidi repetant furum latronumque viscera, cadavera. Certè canis canem vix unquam degustat mortuum, &, quod magis miratus sum, cor etiam coctum non attingit: Quid vero nos impellit, ut ferociore ipsi videamur bestiis? Annon alia in promptu sunt, quæ vicem jam enarratorum supplere valeant? Annon balsamica, sanguinem congruatum res solventia, juvantia partum, cephalica & antepileptica, cornua & ossa sufficienter, imo abundanter collecta extant in Pharmacopoliis? Quid opus est dilaniari hominem, assari & concoqui?

§. 5.

Atqui alia quoque animalia 2. commemoranda hic loci

ci sunt, insecta præcipue, *Viperæ ac Serpentes, Lumbrici, Bufones, Sciuri marini, Scorpiones, Millepedes, Cocheneilia, Apes, araneæ cum telis*: quæ partim integra, partim aliis immixta variisque modis præparata in usum trahuntur. *Spina viperarum earumque Magisterium, Sal vol. trochisci de vipera, exordia serpentum, oleum, Essentia, Spiritus & Sal vol. lumbricorum terrestrium, & pulvis eorum in pulvere ad lac augendum D. Michaelis, oleum scorpionum simplex & compositum &c.* Quæ vero temeritas est, medicamentis annumerare, ac non tantum exterius applicare corpori, sed interno etiam usu commendare ægrotque propinare, quorum contactum omnes fugimus, dum vivunt, tanquam venenata vel nobis etiam exosa; siquidem nec post mortem arefacta oculis, naribus, linguæ arridere possunt.

§. 6.

Ejusdem dignitatis sunt 3. brutorum viscera & partes plerumque putridæ ac verminosæ: *Pellicula ventriculi gallinarum, Lupi epas, ventriculus & intestina, Vulpis pulmones & lingua, Vituli pulmones*; & quæ parantur ex his. *aqua pulm. vituli cum succ. Myns. loboch de pulmone Vulpis &c.* Si ventriculus ventriculorum sanat: si quid jecur comestum in morbis epatis, si quid pulmones valent in affectibus pectoris, satius erit præparare illos in Culina quam Officina. Sed pudet me fateri publicè, quod tam multi reperiantur inter Medicos, eruditos etiam, qui nescio quas vires específicas in ejusmodi quisquiliis latitare putant, cum tamen omnis illarum Virtus omnino manifesta sit. In membranosis partibus, ventriculis vel intestinis hærrere magnam partem substantiæ glutinosæ, quæ acriores humores inviscare valeat, neminem fugit. Prodesse Phthisicis atque tussientibus mucilaginosæ & gummosa vel gelatinosa quis dubitat? ita enim semina Gossypii, Althææ, Cydoniorum, gunni Arab. & Tragacantha in pulvere Haly contra Phthisin, item decoctum & gelatina eboris vel CC. ad temperandam humorum acrimoniam utilissimè adhibentur tota die. In Ictero & Je-

coris affectibus amara laudantur ab omnibus. Fortassis portio bilis, quæ in ductibus epatis superest, fortassis absinthium in quo asservatur aut Myrrha ex consilio Zvvelferi admixta inter præparandum id præstat, si modo quid epar lupi valet. Ita solent canibus corvisque invidendam eripere prædam, & à lanionibus, venatoribus ac Carnificibus redimere indigno pretio, quod alioqui pènitens inutile foret.

§. 7.

Quid impedit quo minus 4. huc referamus *Hirci Cervique vel Asini sanguinem*? quorū *Coagulum Leporis, hadique? fel lucii piscis, perducis, tauri, & rariorem Caliculus felis, bovis*? Ecquid opus est pinguedine canis & equorum jube in tanta meliorum minusque nauseosorum multitudine? quali vero ad grumos sanguinis resolvendos, ad sudorem movendum, ad sedandos maniacorum furores, vel insultus epilepticos atque sic porro, innumera non prostant medicamenta, & quidem eæregia, prorsus inculpara. Siccine meremur gratiosorum Idelicorum honores ac dignitatem? quando miseros putido solamur auxilio. Et quanquam ab hujusmodi remediis interdum aliquod in ægros commodum redundet, nondum tamen sequitur, ideo illa porrigendi esse; quod enim Medicastro licet, non statim ingenuum decet Medicum, cujus Officium est non modo ægrotantes curare, sed quantum possibile cito, tuto ac etiam jucunde curare, si quidem prudentis nomen tueri cupit.

§. 8.

Annon? cum regulis honesti pugnat, *Priapis Testiculisque* pharmacopelium exornati, qualia citra pudorem nemo aliis attingit, ac ne quidem nominat. Ut tamen varietas delectet, asservatur *Priapus* alius *Cervi*, alius *Ceti*, alius *Tauri*, alius *Vulpis*; quanquam inter alimenta occurrant longe gratiora, ova sorbilia, cochleæ atque ostrea cuni gelatinis optime sapidis, quæ augere sperma & humores acres temperare suo glutine, in priapis unice quæsito, valeant. Quod si vero ex Officina tale quid nihilominus præscribendum est, resarcire jacturam merito

rito rejectorum priaporum succit non diuclter, si modo radices Saryrionis, tragacantham cum ceteris §. 8. laudatis feminibus, radicibus aliisque mucilaginosi & lactescentibus concretis adhibere velimus. Porius minor, quam obrem in Collectione *testiculorum* tam parci, solisque *apri* reliquis contenti sint pharmacopoei, cum tamen à multis etiam equa, cervi, leporis atque galli coelos mirum in modum extolli latere neminem queat. Interim sub erroneo nomine testiculorum Castoris asservatur *Castorum*: quod sane mulierculis, quibus svaveolentia displicent, negare nolim: si modo Medici poligiores non adeo delectentur ejusmodi sordibus. Sit ita, egrege foetere, necare vermes, expellere omnis generis exanthemata, pollere facultatibus nervinis ac uterinis, quid tum postea? Non desunt alia, etiam si Castoreo carerent Officina. Quid de Galbano, Afa foetida, & Sagapeno vobis videtur? & quæ parantur ex fuligine, succino atque similibus nihilo ignobiliora: ut Salia vol. taceam cum oleis empyreumaticis, in specie camphoram & petroleum, quæ inslar omnium esse possunt.

§ 9.

Jam vero Crabrones irritabo, ad minimum scarabæos si 6. stercora, temere ista, ex Officinis Medicis relegari ac in perpetuum excludi velim. Quis citra indignationem ferat *stercus canis*, quod al' ascalceis è pavimento propellere, aut per errorem calcasse piget. Ast, inquis, cibum eligitur, nempe canis ossa rodentis. Pudeat! annon jam in promptu sunt ossa variis modis preparata, quibus in cura febrium, etiam vulneratorum, in Dysenteria, Colica &c. utimur optimo cum successu. Numquidà CC. usto aut si mavis philosophice calcinato differunt ossa illa excrementa, si stercoreum foetorem nolis desiderare? Hunc vero extra controversiam optat, qui aquam vulnerariam Strehlenfium ex eo per destillationem elicit. Quis non cinnabarim nativam, succinum atque alia plura præferat *stercori pavonis*, quando vertigo aut Epilepsia medelam poscit. Cur in Angina recipitur *nidus Hirundinis* probe sedatus, cum li-
mum

munum terramque omnem insigniter extinguere inflammationes & refrigerare, lippis & tonforibus, non dicam Mulomedicis, notissimum sit. Quem in finem paratur *Sal finis Columbini*?

Oesyra quid redolent, quanvis mittantur Athenis?

ait Ovidius. Scilicet ut ovium sterces referant, colligenda est ad illorum præparationem *lana succida* è feminis potissimum, eaque non lota. Adeone tantam in stercore spem atque fiduciam collocare juvat? Id vero durius dictum poterat videri: mutantur exosa ista nomina, res ipsa fortasse minus odiosa erit. Qui sterces nominat, etiamsi ambram vel zibethum spiret, nauseam movet inevitabilem: at oesypum vel album græcum quis non toleret facilius? Id procul dubio habuerunt in animo, qui *aquam omnium florum* appellarunt, ex recenti vaccarum stercore destillatam. Nondum tamen se satis liberarunt ab omni culpa: saltim ignorantia turpis notam vix ac ne vix quidem à se declinare potest, qui plus fidit bovis cerebro quam ingenio proprio aut arti suæ, in eligendis herbis refrigerantibus vel emollientibus.

§. 10.

Apagè indoctum ac rude pecus! Sterces & urina illorum sint fercula digna, qui Arti Medicæ nobilissimæ aspergere istam labem non dubitarunt, nunquam iterum eluendam: qui lolium tritico miscuerunt cacodæmonem imitaturi, h. e. quævis turpia, obscœna, sordida laudatissimis adjecerunt medicamentis, cum tamen Altissimus è terra produxerit pro immensa bonitate sua copiam à viro prudenti nullatenus contemnendorum. Annon justam cavillandi ansam Calumniatoribus suppeditant, me iudice, indigni, quorum nomina in Ordine Medicorum Gratiouissimo tolerentur. Itane Artem optimam, prorsus Divinam, conspurcare, ludibriisque omnium exponi fas est? Non putarim. Quapropter nec materiæ huic tractandæ diutius inhærere mihi est volupe. Colligo sic potius: Quæcunque nauseam inevitabilem agris creant, Medico:que simplicitatis, imperitiæ vel socordiæ arguunt, ea nomen medicamentorum

torum haud merentur. Atqui sordida illa, Mumia & quæ defumuntur ex Cadavere humano, infecta plus minus venenata, brutorum viscera, partesque aliæ putridæ ac verminosæ, pudenda potissimum atque stercorea, cum omnibus inde paratis, ægris nauseam creant inevitabilem, Medicosque simplicitatis, imperitiæ vel socordix arguunt. Ergo Sordida illa nomen Medicamentorum haud merentur.

CAP. III.

De

Ignobilioribus & indignis quæ asserventur in Pharmacopolio.

§. 1.

Quæquam nihil tam abjectum ac ignobile sit, quod non aliquando, positis nimirum certis circumstantiis, egregie prodesse valeat; nihilominus ad Prudentiam Medici pertinere arbitror, ut hoc etiam in passu electio institutur debita; alioqui fieri potest facillime, ut ex contemptu medicamentorum adeo vulgarium vilissimorumque omnis in medentem & medicinam fiducia pereat, non sine præsentaneo & insigni ægrorum damno: Sed ignobiliora occurrunt varii generis, quædam pretio, aliqua virtute, atque alia usu minus celebrata. Ratione pretii spernuntur communiter viliora, quibus vel nullum vel exiguum statui pretium potest. Ratione Virtutis respiciamus merito exoleta, corrupta & potissimum virulentata. Ratione usus videtur minus consultum Officinam operare inusitatis atque superfluis, ubi non desunt meliora frequenti constantique usu nobilitata. Verum laboris haud pœnitebit, si paulisper discutere velimus, quæ in pharmacopoliis coacta huc pertinent.

§. 2.

Enimvero videmus curiose asservari alias *rejectiones*: Ungulas equi ante fabri officinam, *Asini* è loco cadaveribus destinato

C

nato

nato colligendas: *Cornua pilosque hirci, pilos leporis, pennas perdici, testas odorum, non dicam Ostrearum & Concharum: putamina Castanearum & nucum juglandium: nucleos Cerasorum, Daſylorum, Meſpilorum: carillos Berberum Roseque ſylveſtris: ſemina Citri, Limonum & Aurantiorum: item viliffima hæc; ubivis obvia: Lenticulas paluſtres; Herbam equiſeti, folia Quercus, Tilia, Hedera, Salicis, Fraxini, Pruni ſylv. Mori, Corni, Perſicorum, Ribium, Meſpilorum, Cydoniorum, Vitis, Buxi, folia & ſummitates Lupuli, folia & Cortices betula atque juglandis arboris, Glandes quernas, porcorum pabulum, cum ſuis cupulis. Hæc & ſimilia, ſiquidem lacus, arvum, ſylva vel hortulus pene omnis fert, ut gratis etiam in magna quantitate haberi queant, mallem ad minimum in Catalogo Medicamentorum officinalium omitti, ne male audiant & Pharmacopœus & Medicus; hic namque putatur tam vulgaria æſtimando parum ſapere ultra tritiſſima empiricorum, rhizotomi vel anicularum experimenta: ille videtur omnes congerere quiſquilias, ſaltim ut lucrum exinde majus reportet.*

§. 3.

Nec diſſimilis erit 2. de domeſticis & culinariis quotidie ingredientibus ſententia. Numquis à pharmacopola poſtulat *Lactucam, Endiviam, Saxariolam, Acetoſam vulg. aut hispanicam, Petroſelinum, Cereſolum, Feniculum, Amethum, Lepidium, Cochleariam, Naſturtium aquat: & hortenſe*, quippe quæ in acetariis & embammatibus aliisque modis à Coquo præparata omnibus magis arrident. Quem non delectant *radices Paſtinacæ, Piſtaſia & Pineæ?* item *Pruna, fructusque roſæ ſylveſtris*, quæ inter alimenta ſolent apponi haud raro: quemadmodum *Avellana, Lampertiana præſertim, Nucisque aquasica, Ficus hispan. & Maſſilienſes, Daſyli, Amygdala dulces imprimis Ambroſina cum paſſulis* inter bellaria. Quis non pulmenta ex *Amygo vel Oryza Miliove* aut juſcula ex *Lentibus, Hordeo & Avena* juxta leges cibarias parata lubentius ſumat? quam ſecundum regulas artis pharmaceuticæ conſectas *piſanas* aut decoctum *Diſtri Ambroſi,*

*brofis, vel herbes simplex atque compositum. Si Brassa tam eximie
faculatas sunt, ut hac medicina teste Plinio, sexcentum annis
servatus sit Populus Romanus absq; Medicis, cur non relinqui-
mus eandem inter alimenta medicamentosa? Certe dubium est,
an officinarum Loboch s. eclegma de caulis aque salutare sit.
Canceris fluvialibus decenter coctis cedunt & loboch & butyrum
inde confectum, Qui semel gelatinam, quam hodie coquus e-
tiam ex ichthyocolla selectiore parare solet, sive volentem, egre-
gie, coloratam lapidamque degustavit, ei nunquam placere
poterit Gelatina CC. vel Eboris, nedum Cranis humani. Buty-
rum majale tempore verno nec pauperum negatur men-
sa, nemini non gratum quamdiu recens fuerit: postmodum
vero amittit omnem gratiam etiam si stannea pyxide argentea,
ve servetur. Nimirum agre ferunt pingua ætatem, atque
ideo satius est ex culina quam officina petere medullam Viculi,
Tauri, Cervi, pinguedinem Agni, Leporis, Apri, Porci, Anseris,
Anatis domestica ac Sylvæstris, Gallina, Caponis & Anguilla, si
quis tentare illarum viros velit.*

§ 4.

Videamus igitur quæ ignobiliora sunt virtute, ac inter ea
3. commemoranda exoleta, odore scil. sapore ac virtute præ-
dita. Quo ipso tamen non rejicio simpliciter inodora & insi-
pida: sed quæ vires suas amittunt atque sic exolescunt dum
siccantur & asservantur. e. g. Radix Armoracie vel raphani ru-
sticani prout è terra eruitur & quamdiu succulenta est, sapo-
rem habet acrem, antiscorbuticum, summe diureticum, Rad.
& herba Ranunculi etiam vesicas excitat, Herba Acerosella
cum sibi similibus acidum sapit non ingratum, quemadmo-
dum Coclearia, Nasturtium &c. jamjam oleribus annumera-
ta se sapore suo commendant, quamdiu virent. Sicca nullius
pretii sunt. Annon igitur satius foret, ea ex officinis Medico-
rum dimitti. Nam & hoc pacto feliciter in cura morborum
progredi poterit Medicus, si præter medicamenta officinalia

v.g. in Cura scorbuti habeat nihilo ignobiliora, cibis intermiscenda, quæ citra nauseam copiose crebriusq; omnes assumunt. Si *Myrobalani* quicquam valent, *Chebulæ* nempe, *Citrinæ*, *Belluricæ*, *Indæ ac Emblicæ*, tanquam pruna purgantia, quod tamen parum est, nisi melle, succo pomorum dulcium aut fortioribus etiam excitentur, longe potiora et sunt pruna nostratum cerea & asinina, utpote de quibus certi sumus, quod alvum ciant. Hanc nimirum ob causam à magistratu loci huius quotannis edicto prohibentur publico, ne quis illa venunt exponat, quoniam compertum est dysenteriam haud raro nasci ab immoderato eorum usu, quem tamen evitare non licet, siquidem uno vel altero nummo emuntur plura, quam *Stomachus* ferre valet sanitate illæsa. Quapropter niros ealoco *Myrobalanorum* in officinas non recipi; etenim hoc pacto definiri iusta dosis, & declinari facillime hypercatharsis posset.

§. 5.

Quod si vero exoleta illa, utpote viribus orbata, tolerari nequeunt, quid fiet 4. de *Corruptibilibus* sive iis, quæ brevi temporis spatio rancorem, situm aliudque vitium non tolerandum contrahunt. Id §. 3. monui pinguibus accidere; quod non modo de *butyro*, *medulla* & *axungia*, sed & de *seminibus oleosis* atque *oleis expressis* intelligendum est; exempli loco sint *pinæ*, *amygdalæ*que tum quoque allegatæ, quibus nunc addere licebit *oleum commune* & *sperma ceti*, ut vulgo dicitur, cum omnibus inde compositis, qualia sunt *Pulvis Haly contra Phthisim*, *pulvis contra Calculum Augustianorum*, *argæentum porabile rubrum* & *viride*. Sed de mixtorum vitis postmodum plura: hic loci contentus ero simplicibus. Atque inter hæc ipsa videntur fructus præ cæteris corruptioni obnoxii; *Ficus*, *Dactyli* & *Ceratonia* vermiculantur facillime: *Aurantiorum acidorum* & *dulcium*, *Citri*, *Limonum*, *Granatorum pomis* putrescant citius. Quamcunque vero diligentiam adhibeas in conservandis horum succis, per sulphurationem laguncularum, per olei

leī velcerā infusionem; nihil agis; paucos intra dies ā pristina & naturali gratia multum remittit sapor: quod idem accidere solet *succo berberidis, ribisumque*, ac multo magis quid dulciores, aquosiores ac minus acidi sunt, *succo Betule, Rosarum, Semper vivī, Rubi id. Fragorum, Mororum, Pomeri borsdorff: Cerasorum; Cydoniarum.* Ut de omphacio s. immaturo uvarum succo nihil dicam. Salva igitur conscientia, hos quoque succos cum fructibus suis ex officina ejicere possumus, liberum relinquentes Pharmacopœo, si ā quoquam tale quid prescribatur, ut habita ratione temporis vel ab hortulanis, vel institutoribus exoticorum fructuum, hic Lipsiæ Italis, defectum suppleat. Neque id vitio cuiquam verti potest, cum nullatenus teneatur facile parabilia & aliunde melius impetranda in promptu habere, alioquin etiam vinum, lac, serum lactis, ova, crustam panis & alia innumera suo inferere Catalogo deberet.

§ 6.

Curvero tolerantur & virulenta & manifeste nobis infensa? Haud verëor id pronunciarē de lapide *Aimeno ES. Lazuli*, qui veram Cupri mineram in se continent, eo copiosiore, quo plus cœrulei coloris habent. Evertunt autem ac erodunt stomachium pro more venereorum; ideoque lavantur multoties, ut acrimoniam & vim exurendi amittant, atque sic melancholicis ac maniacis propinari queant. Enimvero ponamus in morbo desperato illorum usum aliquando innoxium fuisse; ponamus etiam inter purgantia Lazuli convenientissimum esse, ratione substantiæ lapidosæ, quæ acidum in hujusmodi affectibus peccans insimul destruat; ergone vim habet exhilarandi, aut Cordialem, promiscue omnibus laudandam, quando per accidens quosdam juvat, humores præcipitando & exturbando acres. Occultatur autem Lazuli epithymo, polypodio, stœchade, spica Indica, succo eupatorii apique in *pitulis Indis Haly*; epithymo, polypodio, aniso acendiviæ succo in *pitulis de lapide cyaneo Mesue*; epithymo, aniso, sceniculo, mastiche sceniculi.

que succo in pilulis de *s. Myrobalanorum generibus Nicolai Alexandrini*. In *Electuario Diastenn*: ejusdem Nicolai: idem Lazuli temperatur cum bolo (rectius quam lapide juxta gratum Codicem:) Armena, avellanis, saccharo, cinnamomo, spica Ind. Sem. ocimi, folio Indo, croco, fl. rosmarini, melle despumato & aromatibus omnis generis: atque ita fortassis nihil ageret in minore dosi, nisi stimulus ex colocynthide, scammonio vel helleboro adjiceretur. At in *confectio nem Alkermes* recipi eundem tanquam corroborans, ridiculum est, certe absomum: vide Casp. Hofmanni Paralipom. Offic. Cap. 76. Quid valeat *Tinctura Lap. Lazuli* & quæ huic affinis *est Luna carulea*, nemo non intelligit, cui cupri natura quadantenus perspecta est. Ad virulenta referri ex vegetabili regno possunt *radix & semina esule, semen Ricini cum primis nigri, vulgo granatilli, nuxvomica & Anacardium*, quod præter omne meritum suum ad imitationem Lazuli commendatur tanquam analepticum. In affectibus Capitis Cordisque, imprimis usitata est *Confectio Anacardina & mel anacardinum*; sed audiamus Joh. Jonstonum Lib. 2. de Arb. p. 157. Melligo Anacardiorum exulcerat, inflammat, & sanguinem adurit; eodemque tota India pro caustico utitur. Atque ego (verba sunt Foresti Lib. IX. obs. 23. in scholiis:) in ea sententia fui semper & hæere constitui, nusquam experiri infamia, quam meliorum Copia suppetat. Quandoquidem temerarium & insignis stultitiæ argumentum est, in ancipiti medicamine periculum facere, cum id nulla cogat necessitas.

§. 7.

Porro ignobiliora 6. sunt plurima vel omnino inutilia vel inusitata etiam. Annus labitur priusquam ex Officina quis appetat Radices Allii & Porri, Agrimonie, Amara dulcis, Aquilegie, armoracia sylvestris, artemisia, asparagi, Chelidonii minoris, Cucumeris asinini, Cyclaminis, Graminis, Hyoscyami, Quinquefolii, Plantaginis Maj. & min. Squammaria, Verbena, Ulmaria aus Lignum Alpalasi, Buxi, Cypressi, Cydoniorum, vel Cortices berberum,

Lan-

*Laureola, Frangula, Sambucus atque Tilia, radices Fraxini, Mori, Quercus: vel Herbarum amararum, Amarantbi, Anomidis, Bardane, Bistorta, Borraginis, Buglossi, Lavendulae, Cannabii, Cardiacae, Cardui Martis, Caryophyllatae, Cicerbitae, Convolvuli, Cotulae, Faba-
riae, Cucumeris asini, Enulae, Filicis, filiculae, flammulae Jovis, Ge-
ranii maderatici, moschati & Ruperiani, Gallii, Gnaphalii, Lapa-
thi acuti, Lyfimachiae purp. Lunariae, Melampyri, Succisae, Num-
mulariae, Nymphaeae, Ophioglossi, Persicariae, Polygoni, Saponariae,
Scropulariae, Stachadis citrinae, Taraxaci, sedi vermicularis, Umbilici
veneris, Pulvariae, item folia Cupressi, Ebuli, Veratri albi, Ficus,
Mezerii, Myrtillorum, Oleae, Ricini, Tamarisci; pariter Flores opa-
ticae albae, Fumariae, Jaccae, Lupuli, Petasitidis, Saxifragiae, Siliginis,
stachadis citrinae: Fructus eorum ex siccatorum, ribium, sorbo-
rum, Halicacchi; baccae & semen asparagi, solani ac Rusci, Ebuli,
bederae ardoreae. Laureolae & ipsam nucem Indicam; semina Ce-
rofolii, Ciceris albi, Cichoraei, Cochleariae, Colocynthis, Erysimi,
Ervi, Galegae, Genistae, Hyperici, Hyssopi, Majoranae, Melissae, Mer-
curialis, Nicotianae, Nasturiae, Persicariae, Polygoni, Portulacae, Ra-
phani, Rosmarini, Sanguinariae, Saxifragiae, Spinaciae, Thlaspi
Cret. & vulg. Si ad praeparata respiciamus, cui bono cineres
Apum, Ciconiae, Cordi, Noctuae, Picarum, Reguli, Erinacei, Talpae,
Leporis maritimi ejusque pilorum, Equi pilorum? &c. tot aquae de-
stillatae, fulva fixa, Extracta, pilulae, antidota, quorum omnium
ne decima quidem pars in usu est? sed de his Cap. 6. & 7. di-
cendum erit.*

§. 8.

Merentur igitur 7. *superflua*, quoque lituram, nam & haec
ignobiliora sunt in respectu meliorum, quae in Officinis pro-
stant. Numquis utitur integris mandibulis lucii piscis, Lapidibus
Cancr. & percarum, matre perlorum vel Corallina, fragmentis co-
ralliorum, Alabaistro, Erythra montana, lap. nephritico, fulmina-
ri, judaico, bamaritae, Tutiae, Nibili, Opio, Scammonia, Fritiolo
albo aliisque innumeris, quamdiu cruda sunt; annon suffice-
ret nominasse pulverisata vel praeparata? Ecce deteriora si-
mul

mul cum electis asservantur? v. g. *Tragacantha*, *Tbus*, *Myrrha communis*, i. e. fordida & impura; Si *Cardamomum Maj.* ignobilius est minore, & *Galanga Major* minore, *Santalum rubrum* atque album flavo, *Menthastrum* *Mentha*, *Papaver nigrum* albo, *Cassia lignea* h. e. *Cinnamomum* sylvestre *Zeylanico*; *Nux moschata* mas rotundiore fœmina, cur non negligimus ea servatis optimis? Undecunque afferatur *Thymiana*, plerumque fatuum, siquidem juxta Bauhinum Lib. IX. p. 342. cortex arboris est styraciflua, dignum haud censeo, cui locum in Pharmacopœa demus, quamdiu styrax liquida & sicca tolerabili emittitur pretio. Eum vero stultissimum jure dixeris, qui *Lignum lentisci*, communiter verminosum, rarum tamen, eligit præ mastiche, matris ingloriæ prole pulcherrima. Qui unquam observavit in terra Goldbergensi dukedinem quasi lacteam, ei haud placere poterit *bolus alba*, præsertim *bobemica*, nobis usitata, cui sapor magis argillaceus inest & ingratus.

§. 9.

Hæreo, annon ad superflua pertineant *aquipollentia* illa, quando duo vel tria aut etiam plura pro eadem intentione asservantur, quorum tamen facultates nihil inter se differunt, aut certe modicum. e. g. *amygdale ambrosina* non nisi magnitudine discrepant à *dulcibus* reliquis minoribus: *Folia Beta rubra & alba* colore tantum. Quid juvat seorsim reposuisse radicem *Doronici Romani & Austriaci*, *semen Lactuca comm. & Italica*, *Crocum Orientalem & Austriacum*, *Viscum quernum, tiliaceum & Corylinum*, *piper nigrum, album & longum*. Aut enim virtute paria sunt aut imparia; si paria, perinde pharmacopœo erit, quodnam sub nomine *Doronici*, *Lactucæ*, *Croci*, *Vilci*, *Piperis* præscribat Medicus: si vero imparia sunt, cur non eligimus quod optimum est, præter minus efficaci. Ne quid dissimulem, existimo varietatem istam potius ad pompam quam usum comparari, ut longiori serie recenseri queant. e. g. *flores rosarum albarum, incarnatarum, centifoliarum; rubrarum, sylvestrium, Vistriolum album, commune, cyprum, Romanum, Ungari-*

garicum; quali vero non sufficeret unum vel alterum ex omnibus. Nam & illa superflua mihi videntur, quæ nisi nomine viribus tamen æquipollentia sunt. Estne singularis aliqua virtus in pinguedine *Muris alpini*, *Taxi*, *Vulpis*, *Ardea*, *Asie*, *Citonis*, quam non inveniamus in axungia quadam domestica, quotidie recenti adque meliore. Largior fumum accensarum *Blattarum byzantin.* *Pileque marina* in passione hysterica prodesse, nemo tamen est, qui non lubentius pennas, crines, picem ac sulphur, non dicam soleas calecorum attritas & similia prout in manus veniunt, adhibeat, præsertim ubi suffocatio urget; tunc enim posthabitis exoticis optima sunt proxima i. e. facile parabilia.

§. 10.

Equidem erunt, quos haud pigebit ad salvandam varietatem Simplicium, vel etiam Compositorum, plures allegare rationes. Videlicet quædam commendabit Autoritas Veterum, alia Curiositas & diligentia recentiorum. Ecquis determinabit in casu dubio, e.g. an *Crocus Austriacus* sit præferendus Orientali &c. quamdiu nemo in universum Classicam Autoritatem in Medicina possidet. Quot Capita tot sensus; neque dissensus, credo, major est in orbe toto, quam Practicorum in una Civitate, siquidem is demum præ cæteris experientissimus nomen se meruisse putat, qui nil intentatum relinquit, ac tandem aliqua singularia minusque nota eligit, sancte pro secretis custodienda. Dum igitur quisque sibi soli sapit, nihil emolumenti redundat in artem de industria suppressam. Nescio an sperandum, optandum tamen est, ut tandem aliquando instauraturi collapsam Medicinam consentirent de certis regulis ac legibus fundamentalibus, in quarum defectu cuilibet quod libet licet. Ego interim sub finem hujus Capituli argumentor ad hunc modum: Quæcunque minuunt existimationem Medicorum & Pharmacopœorum, falluntque spem ægrotantium, ea indigna sunt, quæ afferrentur in officinis. Atqui modo recensita ignobiliora, rejectanea, exoleta, corruptio-

ruptioni facile obnoxia, virulenta & inutilia minuunt Existimationem Medicorum & Pharmacopœorum, falluntque spem ægrotantium. Ergo indigna sunt, quæ asseruntur in officinis.

CAP. IV.

De

*Dubiis, Spuriis ac erroneis, quibus tuto fidendum
haud est.*

§. I.

Conqueruntur de infido experimentorum successu non Physici modo, sed magis adhuc Medici, & quidem Practici. Quando certissimum aliquod remedium, per plura secula decantatum frustra præscribitur ægris: quando effectus plane contrarius sequitur, e. g. vomitus post usum stomachici remedii, diarrhæa post sudoriferum assumentum, atque sic porro. Tum vero refugium quidem haud deest, idiosyncrasia ægrotantium, viscerum atonia, morbi repugnantia, naturæ motus symptomaticus criticusve. At si Officinam vîtaremus, veram plerumque causam in erroneo deprehenderemus medicamento. Non miror autem in tanta simpliciū copia per impericiam, negligentiam aut malitiam Rizotoini, Myropolæ omniumque quæ circa collectionem, præparationem, conservationem, distributionem Materiæ Medicæ occupantur, peccari tota die, vel decipi etiam satis oculos, hinc quamplurima dari dubia, supposititia, adulterata & omnino falsa; ita ut rebus sic stantibus petere medicamentum ex Officina summe periculosum existimem. Sufficiat hac vice saltem ea, quæ ut plurimum sunt, annotasse: plura suppeditare poterit inspectio & examen paulo curatius.

§. II.

Prodeant igitur r. *dubia*, penè dixerim deperdita & obsoleta, quæ in honorem Veterum his etiamnum diebus asseruntur,

vantur, si non in pyxide, certe in titulo. *Quæ radix est Beem albi rubrique*, ut mercantur admisceri corroborantibus, in speciebus Cordial. Alex. Bened. Cordialibus temperatis August. de margaritis Calid. & frigid. de Moscho dulc. de Xyloaloe, de Gemmis calid. & frigid. Lætificantibus Gal. & Rhas Liberantibus August. Pleres archont. Tale quid frustra expectabimus à radice Limonii maximi, quæ ut plurimum Behen rubrum dicitur, & Lychnidis sylvestris radice quæ album representare debet. Eiusdem dignitatis plura occurrunt, si Clarissimi Salmasii Exercitationes de Homon. Hyl. Iatr. consulamus. *Costi* olim geminas species, aliam rubentem amaramque, aliam albam haud amaram exitisse, imò Dioscoridem tres potius notasse, Arabicam albam & odoratam, Indicam nigram, atque Syriacam colore buxeam, neminem fugit; cum nullo tamen ex omnibus his conveniunt, quæ jam habentur sub nomine Costi radices atque cortices. Ita & Rha veterum revera diversa radix est ab hodierno *Rhapontico*; *Rhabarbaro* & *Rhas monachorum*. *Helleborus niger* alius Theophrasti, alius Dioscoridis est, alius qui verus Hippocratis dicitur. Turpethi nomine appellarunt Græci atque Arabes radicem vel Pityusæ, vel Alypi, vel Tripolii; à quibus omnibus differt hodie usitatum Indicum, quale Celeberr. Hermannus in Hort. Acad. Lugd. Bat. p. 177. & seqq. accuratius delineavit sub titulo Convolvuli Indici alati maximi, foliis Ibisco nonnihil similibus, sicuti ex adjecta inibi figura patet.

§. 3.

Nempe incerti tamdiu sumus, quamdiu simplicia hodie usitata non ex asse respondent veterum descriptioni ratione coloris, odoris, saporis, figuræ, substantiæ, virtutis, & si quid aliud notatu dignum in iis observatum fuerit. Equidem determinare non ausim, an major culpa sit antiquorum autorum, interdum haud sufficienter, forsitan etiam falso describentium sua remedia: an posterorum ac modernorum quid pro quo arripientium citra inquisitionem prolixam. Quid si veteres

seo etiam tempore fuerint decepti? quemadmodum ipsum Dioscoridem circa Cinnamomum, Canelam, Malabathrum aliaque plura valde verosimile mihi est, postquam hæc ipsa tam anxie quesita sunt a curiosioribus, sed frustra, utpote quæ prout ab Autore describuntur, nullibi apparent. Quidsi mera falsum nomina reperiantur absque ulla descriptione, sicuti e. g. in unguento de Citriis Nicolai *Entalia & Dentalia* seu potius *Antalia* ac *Tentali* cum *lapide borachio*, anne sufficit hujus in locum recepisse *Borracem*? in illorum vero defectu vel conclulas veneras albas ad mentem Valerii Cordi, vel tubulos striatos ac leves juxta Schröderum: vel ex Capite aselli lapides dentatos ad imitationem Pharmacopæorum Londinensium, teste Dale Pharmacologia pag. 656. Exotica namque in eo infeliciora sunt, quod facilius præ cæteris dubia reddi queant; dum enim de manu in manum aliquoties traduntur, ansa datur errori frequentissima. Videlicet è manu Africanorum, Indorum, Turcarum Persarumque, qui primi talia impetrant, sapissime ignari tam linguæ peregrinæ quam materiæ Medicæ; atque ita Colores mercantur cæci. Nihilominus inter alia forte aromata efferuntur ad nos: qui vendit rem ignotam, ne damnum patiatur, admiscet eam aliis, cum quibus aliquam similitudinem habet: qui emit securus jam est, ac sæpe sibi gratulatur, si rarum quid sub certo nomine impetraverit, etiamsi nil minus sit, quam cujus appellationem habet. Decursu temporis tamen obliteratur error commissus, usuque continuato locum genuini occupat, quanquam aperte falsum sit.

§. 4.

Id restantur 2. *Supposititia*, quæ non tantum substituuntur modo allegatis semper ambiguis, sed & aliis rebus, quas recte novimus; saltem ut in defectu legitimorum, si desiderentur, succedere queant. Vulgatissimum est vice *calami aromatici* dari radicem Acori; pro *ligno Nephritico* Mexicano Brasiliæ num: pro *Radice China* veræ Orientalis candidæ Peruvianam ruben-

rubentem: pro *Terebinthina* lacrymas abietis laricifve: pro *Rad. Asphodeli* Martagon. pro *Rad. Hermodactylorum* Colchicum: pro *succo Acacia* succum prunecolorum agrestium: pro *Syrace liquida* expressam è nucleis: pro herba *Dictamni Cre-
tici* fatuum Pseudo-dictamnium: sem. Myagri pro *Sesamo*: Smyrni pro *Petroselino Macedonico*: *Lathyri* pro Cicere albo. Quid est *lapis Bufonites*? fabulantur non pauci, eum in capite bufonis annosi nasci; ast nemo mihi eum reperire unquam potuit. Recipiunt ergo alii Echinometritem, ut recte appellatur à Menzelsio in Eph. Germ. Dec. II. An. IX. obs. 72. alii Conchitem, quod nostrates communiter faciunt; jam vero constat eosdem lapides nil aliud esse, quam dentes molares lupi marini, qui alias etiam Oculi serpentum vocantur. Confer Imperati Hist. Nat. Lib. XXIV. Cap. 23. & Merret Pinac. Rer. Britann. pag. 210.

§. 5.

Majus est, si ex instituto naturalia per artem imitaturi præparent misceantque dolose ut veri speciem habeant intrinsece spuria. *Asphaltum* quod vulgo divenditur, mixtura est à bitumine Judaico multum aliena. Quomodo *Ebur* ad analogiam *fossilis* calcinetur, me haud fugit; cumque nuperrime *Unicornus fossile* hoc pacto paratum mihi exhiberetur, non fuit arduum fraudes detegere, siquidem serra divisum ostendebat ad oculum partem externam tantum fuisse mutatam interna omnino salva. *Borrax* factitia fortasse Aurifabris ad metallorum fusionem idonea esse potest, ad medendum par nativæ s. genuinæ nunquam erit. Quid sit *Sal Indus* clarissime docet Plinius Hist. Nat. Lib. XXXI. Cap. 7. nempe fossilis ex Oromeno monte, hodie vero vel saccharum porrigitur, si à Pharmacopœo id postules, vel Sal quoddam angulosum, quale à nitri coctione superuisse vidi. Nomen *Boli Armena* imponitur Würtembergicæ, Noricæ, Reichenbachensi, Numburgensi.

Quæ sigillo Turcico notatur *Terra pro Lemnia* veaditur, quæ tamen vix unquam genuina pervenire ad nos solet, siquidem & in patria instar rarioris Thesauri servatur, & in Constantinopoli extra Regis palatium non nisi spuria est, prout experimentum contra venena in canibus institutum a Tavernier abunde confirmat.

§. 6.

Nihilo meliora sunt 3. *adulterata*, quando simplicia in se quidem bona per adjectionem rerum alienarum augent in pondere, ut majus exinde lucrum capient. Quomodo Sachcharum Amylumque addatur *Manna Calabrina*: *Castoreo* sanguis renesve castoris cum Gummi ammoniaci subacti: *Senna Alexandrina* Italica vel etiam Coluteæ folia: *Ladano* terra nimis copiosa: *Ase foetida* sagapenum: *Opobalsamo* Arabico Terebinthina: *Croco* flores Carthami: *Mercurio vivo* plumbum stannumve: *Mercurio sublimato* Arsenicum atque sic porro, id quidem à Cordatioribus hinc inde annotatum atque prohiberum, nihilominus huc usque usitatum deprehendimus tota die. Præceteris experiuntur malitiosum hoc augmentum pretiosa, ne labori præmium desit, in specie *Ambra*, *Moschus*, *Zibethum*. Quæ ratione id fiat, differere pluribus haud consultum puto. Cui lubet, evolvat Jacobi Sylvii Tr. de Adulteriis simplicium Medicam. cognosc. item Lissæ Benantii declarationem Fraudum apud pharmacop. commiss. nec non Joh. Ant. Lodetti Dialogum de Imposturis nonnullorum Pharamacopœorum.

§. 7.

Nec præterire 4. *defraudata* seu expilata possum; quæ in eo distare ab adulteratis videntur, quod non per additionem sed subtractionem potius depravata & quasi destituta sint. De *Styrace*, ut communiter in pane vel massa venum it, certum est, ejus meliorem partem forti expressione fuisse subductam. Atque hoc genuinus est *Styrax* liquidus: impetrari tamen difficile à Myropolis potest, quod opportune recipiatur ad pretiosiora odoramenta; non nisi residuum ergo distrahitur sub nomine

mine *Styracis*, uti clarius apparet, si vera & illibata *Styracis* grana spectemus. Similiter artificium leve sed gravius est flagitium & *Caryophyllis* integris extrahere oleum, iterumque fatuos permiscere cum bonis, ut secunda vice quæstum faciant in iis, aliqui rejiciendis. Nec vana est, me iudice, suspicio, quam de cortice *Cinnamomi* foveant nonnulli, eum si plane insipidus ac inodorus reperitur, fortasse per macerationem suas amisisse vires. Quanquam enim non ignorem, præstantissimo adjici vilius ad fallendos emptores, nec diffitear temporis diuturnitate perire fragrantiam ac suavitatem nativam; nihilominus id opinionem meam admodum firmat, quod avaritia & fraudulentia in aliis passibus plurimorum Institutorum notissima sit. Accedit, quod non semel audiverim à fide dignis, statim in Zeylon simile quid tentari, ac ne illud quidem *Cinnamomum*, & quo magna olei portio extracta fuit in totum respui, quin potius adjiciatur præstantiori, ut una cum eo eveharur ad exteros.

§. 8.

Quid vero s. de iis dicam, quæ penitus falsa & erroneæ in Officinis extant? Sunt profecto Medici Celeberrimi, qui nec *Lapidi Bezoar* fidendum existimant; quoniam vix ullus apud nos inveniat nisi factitius, adulterinus; vide Casp. Reies Elyf. Franc. Quæst. Camp. Quæst. 67, 24. Talem omnino falsum ostendere cuiuslibet possum, prout cum sub nomine *Bezoar* Coronandæ ante aliquot annos accepi à peregrino Mercatore, qui plures hujus generis distrahebat pretio inter Orientales & Occidentales quasi medio. Sed mirum haud est, in pretiosis tantas committi fraudes, cum operæ pretium sit, cum magna mercede fallere: nam & in vilioribus id fieri a solet. Ita vidimus non ita pridem *Lapides cancerorum*, ex argilla usta confectos, huc allatos venditurosque. Detegi autem impostura non difficulter potest, si talia simplicia fuerint adhuc integra; quis verò dijudicabit ea, quando pulverisata, vel cum aliis permixta sunt. Qui *Margaritas præparatas* omnino,
cave.

caveant sibi, ne matrem perlarum ostrearumque carius coë-
mant: neque Cornu Cerviustum observari facile poterit, si-
quis lapidibus Cancrorum & Percarum, Coralliis albis, Cry-
stallo, mandibulis Lucii piscis pulverisatis & præparatis etiam
liberalius addiderit. Has atque similes fallacias cum expresse
interdicat juramentum Pharmacopœorum, (si modo hi jurati
sint) non metuerem in Officinis. Postquam vero alii Sim-
plicium institores nullo jurejurando coërciti eadem præparata
impune, ipsis etiam Pharmacopœis, venditant, vereor, ne
hoc quoque pacto fallant & fallantur. Nec enim semel no-
tavi destillatores ad nos venisse duabus saltim lagenis instru-
ctos, quarum una continebat Spiritum Nitri, Aquam fortem,
Aquam Regiam, Spiritumque Nitri Bezoarticum: altera sug-
gererat Spiritum Vitrioli communem, Vitrioli Martis & Vi-
trioli Veneris, Spiritum Sulphuris, Salis, Vitrioli philosophi-
cum, & quicquid postularent Emtores: atque inter hos postre-
mi haud fuere Pharmacopœi.

§. 9.

Dicam plura. Cum ante hos decem annos cura Horti
Medici mihi committeretur, primusque labor à me hortu-
lano injungeretur, ut quæ nimis luxurientur vulgiora, erue-
ret, noluit hic abjicere herbas tam copiosas nulloque negotio
colligendas; me igitur infcio ingreditur Officinas, ostendit-
que de singulis manipulum. Eligit ergo Pharmacopœus non
incelebris Tragopogon, Nepetam & Lychnidem viscosam la-
tifoliam seu Viscariam. Dictum factum, coacervantur desi-
deratæ plantæ, offeruntur recentes adhuc. Postquam in-
signem harum quantitatem exhibuisset, venit ad me schedulam-
que, in qua tot corbes Scorzonæræ, plures Calaminthæ, toti-
demque Centaurii minoris se accepisse fatetur Pharmaco-
pœus, quorum omnium tamen vix vestigium antehac appa-
rebat in Horto. Hæc dum sciscitor mirabundus, affert Hor-
tulanus de singulis quæ dederat specimen, atque sic certior red-
ditus deprehendo Tragopogon pro Scorzonera, Nepetam pro
Cala-

Calamentha, Viscariam pro Centaurio minore fuisse in Officinam illata, & jamjam debite soluta. Non potui proinde, quin dolerem Pharmacopœi, Medici & ægrorum, utpote simul deceptorum, vices; nolui tamen invidere Hortulano illud qualecunque laboris solatium. Sic mundus vult decipi. Ego autem de hoc errore lubenter monuisssem Officinæ Dominum, nisi meruisssem, ne ægre ferret, si ei quasi exprobrassem vel imperitiam vel negligentiam adeo turpem. Ast quis falsa castigat, quæ à rizotomis inferuntur quotannis, ubi haud raro majus periculum subest: quemadmodum novissime vidi semen Phellandrii sive Cicutæ palustris pro semine Sileris montani à rustico herbario illatum; ut alia taceam.

§. 10.

Hæc cum ita se habeant, nemo non perspicit, quam necessaria sit & Offinarum Reformatio & Visitatio frequentior, sed seria; in horum neglectu pessime consultum est iis, qui exinde vel sibi vel aliis certum pollicentur auxilium. Atquam longissime abest ab incertitudinis & insufficientiæ culpa, quam exercemus Medicinam innocentissimam; nihilominus male audit, patiturque criminationes immeritas, quæ potiori jure caderent in artifices, si modo nomine isto digni sunt, vel ministros, cheu quam rudes. Nescio autem ex haftenus allatis hoc argumentum: Quæcunque Medicamenta intuta sunt ac deceptorum, ea tolerari salva conscientia nequeunt. Atqui ambigua illa, & supposititia & adulterata, & deflorata & falsa sunt ingura ac deceptorum. Ergo tolerari salva conscientia nequeunt.

CAP. V.

De

Superstitiosis, vanis atque anilibus Medicamentis.

E

§. 1.

§. 1.

Quandoquidem omnis generis & nationis homines, ut supra dictum, suas in Medicinam contulerunt symbolas, dubium nullum est, quin plurima etiam facta sit accessio anilium, supersticiosorum, magicorumve remediorum id est, omnino vanorum & impiorum peritus. Sane primordia nostræ Artis quæ in Ægypto fuerunt; disimulare insomniorum Oraculorumque vanitates haud valent. Quanquam vero his temporibus desierit vetustissima illa poscendi opem & consequendi ratio, non desunt tamen reliquæ adhuc constanter servatæ ac de manu in manum quasi traditæ: quid? quod etiam nunc implorare lamas ac præstigiatores multis religio nulla est: qui sicut plerorumque morborum causas in veneficia conjiciunt, ita nec remedium aliunde felicius se impetrare posse putant, quam à magis vel sapiente anu. At tamen plebejorum pessimam consuetudinem haud attendere, si modo Medici, turpe dictu, se non commacularent eadem lue, dum ad imitationem Paracelsi ab ipso etiam Caco-dæmone se quicquam didicisse gloriantur citra pudorem.

§. 2.

Bilem profecto commovent ac indignationem, qui nescio quo furore perciti laudatissima Creatoris omnipotentis dona respuunt, sed simiam ejus, utpote mendaciorum patrem, admirari, & quæ ad fallendum suggerit vana consilia, exosculari non dubitant. Ast lacrymis atque commiseratione digniores sunt, quorum infirmitas & hebetudo ingenii non permittit, ut album à nigro discernere queant. Videlicet plures dantur, qui suo dissidentes judicio non audent impugnare tam strenuos ineptiarum defensores: potius ad evitandas lites admittunt libenter quæcunque imperarint arrogantiores ac singularem scientiam adepti, possessores arcanorum. Quapropter alia culpa cadit in remediorum supersticiosorum inventores atque propugnatores perniciosos, alia in simpliciores vel imprudentes assentatores, Quid multa? si talibus uti crimen est,

est, paucos innocentes habes. Sunt enim supersticiosa longe plurima: quædam aperte talia & crassiora, quædam occulte atque subtiliora: hujus generis sunt pretiosa & rariora, itemque specifica: illius generis sunt, quæ certo modo certove tempore colliguntur vel præparantur, maxime vero phantastica aut prorsus magica.

§. 3.

Dum 1. *Pretiosa* refero ad supersticiosa, facile mihi concipere possum, qualem ab iis gratiam sim initurus, qui malint omnia medicamenta esse pretiosa. Solent ad minimum talia ubique inspergere sive purgandum sit sive sudandum sive corroborandum aut quomodocunque alterandum corpus, saltem ut horum prætextu cariora sint omnia. Serio: credisne *Aurifoliat* ullam virtutem esse, ob quam mereatur addi Aquæ Carbunculi, Confectioni Alkermes, specifico Cephalico Mich. pulveri Marchionum, Analeptico Mindereri, Bezoardico Senneri, Pannonico rubro, contra Abortum &c. Si oculos fallere in animo habes, quemadmodum pilulas inaurare solemus, non repugno; si quid amplius tibi promittis, fallis te ipsum, una cum ægro. Procul dubio ad imitationem veterum hæc fiunt: nam & Aurum atque Argentum simul immiscebat quondam Galenus vel potius Nicolaus & Rhasis speciebus lætificantibus, Mesue Electuario de Gemmis calido & frigido, Avicenna Confectioni de hyacintho; ita & nos cum Augustanis speciebus Cordialibus temperatis. Nec injurius in *Gemmas* ero, si harum quoque facultates tanti non faciam, prout sibi eas plerique concipiunt; sunt enim & fragmenta lapidum pretiosorum non adeo pretiosa, sicuti recipiuntur in Officinas, ut parum absit, quin CrySTALLUS atque Corallia præ illis magis arrideant. Cumque *Margarite* minores tantum (majores quippe stultus contundit) ad usum Medicum expetantur, judicent, quæso, cordati omnes atque oculati, annon selectiora Matris perlarum fragmenta iis sint paria, sane potiora.

§. 4.

Præsumuntur autem pretiosorum vires ex fundamento factis lubrico excellentiores, hætenus enim nec per experientiam de iis constat plus in medendo prodesse quam vulgarissima quævis: nec sana ratio dicitur ea concreta, quæ ferme immutabilia sunt uti Aurum & Gemmæ, multum valere in morborum cura: si vero Margaritæ non minus quam Bezoar, calculi morboſi sunt, quid me impellit ut credam eos ideo adversus ægrotudines alias efficaciores existere? Sed raritas forsân æstimatur in his, aut elegantia, splendor, colorve: quid hoc ad Medicinam? Dicis: ad ornatum faciunt, & præcipue pro magnatibus ditioribusque asservantur; quis enim Principi non malit Perlas orientales quam ossa Sepiæ præscribere adversus ardorem stomachi etiam, vel simile malum levius. Largior: ergone meliores sunt & cordiales? non sequitur. Si pretiosa ideo forent talia, quod efficaciora, nihil monerem; quoniam vero efficaciora putantur quia pretiosa, non possum non æstimationem hanc pro verè superstitiosa declarare. Atqui certum est Auro, Gemmis & margaritis suum assignatum pretium fuisse diu ante, quam de usu interno cogitare quisquam cœpit. Fertur opulentioris rustici filius patri suo, cum ægrotaret, passerulum Canariensem; qui ad fistulæ imitationem cantare didicerat, duodecim Ungaris emtum, asatumque ad mandacandum apposuisse recreationis ergo. Hic vero degustans rarissimam aviculam, dum nullam hinc sentit virium instaurationem, ah, inquit, mi fili, deceptus es! Si quæ virtus in pretio est, cur non aureos nummos dedisti ad devorandum: continuare namque illorum esum potuissem, quousque libuerit. Sed nec Aurum, credo, & si quæ adhuc pretiosiora sunt, quicquam juvant, alioqui nullus moreretur Princeps: nemo in Orbe novo, ubi Aurum & Argentum, Gemmas & Margaritas tam vulgares audio, quam apud nos siles fluviales in ripa: Sic etiam est olitor valde opportuna locutus.

§. 5.

§. 5.

Pergamus ad alia, & contemplemur 2. *specifica* supersticiosa; Liceat mihi hoc nomine compellare, quæ appropriata vulgo creduntur non alia ex causa, quam quod vel similitudinem aliquam, vel convenientiam propiorem & affinitatem habeant cum certis membris. Signatura & similitudine accedit ad testiculos figura *Boletus Cervini* & *radicum Orchidis*, ergo stimulant ad Venerem: nec puto alium in usum apud Pharmacopœos prostare *Vulvariam*, quam quod ex odoris convenientia iudicent illius virtutes. *Folia Melissophylli* ferunt juxta Crollium cordis speciem, (annon etiam *Urticæ*?) itaque eorum eximie sunt dotes adversus Cordis aggritudines. Ita enim *Cervi Cor*, *Ossa Cordis Cervi*, *Aqua Cordis Cervi*, & *Sal* ejusdem mire valent; scilicet si *Ambram* & *Moschum* adjicias, prout in *Tinctura Coralliorum cum spiritu Cordis Cervi*. *Dens Lupi* ad facilitandam dentium eruptionem in pueris utilissimus, atque ideo in Officinis asservatur, argento si lubet exornandus. Neque de nihilo est attendere discrimen sexus in applicandis remediis: cum namque in finem *pinguedo* c. g. *Ursi* & *Ursæ* asservatur seorsim in Officinis, ut pro viro maris pro mulieribus feminae axungia prostet extra dubium convenientior. Id olim non observasse videntur Veteres, dum Ebur commendarunt sexui sequiori: his vero diebus haud abs re foret explorasse accuratius, annon *Vaccæ Marinae* plus quam *Hippopotami maris* *Dens* faciliteret partum difficilem. Sed quod mireris, habent etiam morbi signaturas suas; cumque alias simile simile nutriat, magis curiosum est simile simile curare ac etiam tollere; quemadmodum *Lapis Microcosmi* expellit calculum è renibus atque vesica, *pulvis Lumbricorum terrestrium* vermes ex intestinis puerorum. Si hæc vera sunt, atque adeo fundata in rerum natura, hæreo circa usum tam frequentem *Cornu Cervi*, nec enim quisquam hætenus attendit, an ad ampliandas, an tollendas potius cornutorum excrecentias conducatur. Signatura profecto vim aliquam specificam eamque insignem pollicetur, etiam à cæco palpandum.

§. 6.

Scilicet sapiunt hæc Philosophiam sagacem, quemadmodum 3. etiam *superstitione collecta*, tum ratione modi, tum ratione temporis certi. De *cymis Sambuci* notum est, adhibitas in acetariis alvum movere, nonnunquam etiam vomitum, præcipue si sursum decerpantur: idemq; facere pulverisatas, notante Schroëdero in Pharmac. Med. Chym. p. 677. Rationem hanc reddit Helmont de Magn. Vuln. Cur. 170. Nempe Asarum & Sambuci extremitates auscultant imperanti phantasia decerptoris, qui imprimit in plantam, hæc magnetice vero in folium, absens etiam, cum alioqui cocto folio & in potionem exhibitio periret virtus phantasiæ impressa, si à planta integra magnetismus non foveretur. Quid audio? Anne alia est phantasia decerpentis seu colligentis cymas: alia phantasia Sambuci totius vel plantæ id patientis: alia phantasia cymarum seu foliorum coctorum pulverisatorumve: nempe magnetice inter se coherentium? Anne vero alia etiam phantasia est Pharmacopœi medicamentum præparantis: alia phantasia Medici præscribentis, alia phantasia ægri assumentis? Non video, quamobrem omittere has velimus, si quidem phantasiæ si mavis, stultorum plena sunt omnia. Dabo aliud stultitiæ insignis exemplum, quod idem suppeditat Helmont in Sext. Dig. Alim. Hum. 75. ubi *sanguinem Hirci* peculiari modo, revera phantastico, colligere docet. Ego, ait, pro cruore hircum suspendo cornibus, & crura posteriora reflecto ad cornua: testes abscindo, & recepto inde cruore exsanguem dimitto pro lanione. Cur dimittis? scire pervelim: scilicet quod pudet hujus ignobile munus in te suscipere. Ast pudeat potius te castrationis, quam abjectissimum hominum genus alias exercere solet. His forsan committeres negotium, nisi metneres, ne te irrideant, tuamque curiositatem, profunde adeo excogitatam.

§. 7.

Cur tempus balsamicum non observare Autor jubeat, valde

valde miror: notatum tamen id video in Pharmacopœa Augu-
stana, nimirum æstatis principio, Sole Cancrum ingrediente
hirci sanguinem esse colligendum: Numquid fictitium can-
cri cœlestis signum confert ad bonitatem cruoris? Annon
Leonis signum fortius est? id enim cum occuparit Sol, monen-
te Papinio, *Pulverem Sympatheticum* longe præstantissimum
reddit. Ecur die Joannis Baptiste non omnia paramus re-
media contra tumores, dolores, inflammationes, vulnera &
ulcera: siquidem nulla ratio apparet, ob quam *Ligno Fraxini*
præcisè illa consecratur dies: nam & ante Solis exortum cæde-
relignum vulnerarium licet. Partiamur operas: si anteme-
ridianis horis vegetabilia congerere oportet, concedamus ani-
malibus & mineralibus, quorum pauciora in Officinis prostant,
pomeridianas. Enimvero injurius ero in tot celeberrimos
doctissimosque Viros, Carichterum, Thurnheisserum atque
alios, qui tanto cum studio cunctis plantis suum assignarunt si-
dus, sub cujus dominio majus in medicando robur impetrent.
Forsan sapiens dominabitur astris, ut ad nutum ejus quæ velit
perficiant. Erras si hoc credis. Largior messes hyberno
tempore nunquam contingere, nèque vindemiam verno. At-
que hoc sensu verum est, quod vulgo dicitur, omnia tempus
habet. Verum quis diem huic labori certum assignare unquam
potuit, siquidem maturitatem in siumento uvisque expectare
oportet nullo ad sidera respectu habito. Annon irrideretur,
qui mala Persica v. g. decerpere omnia simul ex eadem ar-
bore velit; solent etenim successive suam acquirere bonita-
tem, ut necessum sit priores fructus eandem amittere prius,
quam posteriores illam consequantur. Aut ergo singulis po-
mis asserere peculiare astrum debemus, aut maturos cum im-
maturis, bonos cum malis edere: quorum utrumque absolum
est. Respondeant ad hoc, qui tantum tribuunt influentiæ sy-
derum: imo vero videant ii, ne in DEum omnipotentem inju-
rii sint, qui, quas potestates plantis ipse Creator liberaliter con-
cessit, stellis assignant. Id dogma Saranas olim inspiravit gen-
tili-

tilibus, ut eos à veri Numinis cultu avocaret. Pudeat Christianum talia cogitasse, non ignorantem quod tertia die Creationis tellus cum suis vegetabilibus in debita perfectione fuerit à Deo ter optimo producta. Et vidit Deus hæc omnia fuisse bona. Quid igitur ultimum rerum in bonitate sua jamjam creaturarum complementum expectamus à sideribus, postera die adeoque post conditas stirpes demum creatis? Id si ponderarent Astrologi nasuti, resipiscerent tandem aliquando. Sed minor apud eos est autoritas Scripturæ sacræ quam paganorum, alioqui attenderent severissimas Dei comminationes Jerem. 10, 2. Mores gentium nolite discere, & à signis cœli nolite time-
re, quæ metuunt gentes. Esa. 44, 15. Ego sum Dominus faciens omnia, extendens cœlos solus & stabiliens terram & nullus mecum: irrita faciens signa divinatorum & ariolos in furorē vertens: convertens sapientes retrorsum & scientiam eorum stultam faciens; &c. Nam & justissimus Judex damnavit omne genus divinatorum, jussitque lapidari ac interfici Levit. 20, 27. Deuteron. 18, 9. & seqq.

§. 8.

Quandoquidem vero hæcenus dicta superstitionem arguunt, quæ non simpliciter in medicamentis taxatur, sed quatenus ea certo modo, certoque tempore superstitiose colliguntur, præparantur vel applicantur: lubet nunc etiam à *phantastica seu vana in totum spectare*. Instar omnium sint *Amuleta*, quorum gratia in Officinis plurima servantur. *Ætutes* de collo suspensus præservare gravidas ab abortu dicitur, femori alligatus promovere partum: *Nephriticus* lapis brachio affixus liberare à calculo: *Bufonites* gestatus à veneno &c. Quale *amuletum contra pestem* paretur à pharmacopœis nostratibus nescio, forsàn & ipsi nesciunt, porriguntque aliquando postulanti-
bus, quicquid placuerit. Zenexton autem Helmontii, quod è bufone parare docet in Tumulo Pestis, tam nomine quam opere absurdum est; nec magis æstimandum quam si araneam nuce cassâ inclusam appendas. Nimirum antiquissimus

mus

mus est periapTORUM seu appendiculorum usus, etiam vanissimus, imo impius. Quotusquisque legit Alberti M. librum de Virtutibus herbarum, lapidum & animalium citra commotionem animi; si vis esse invisibilis, insensibilis; tutus ab armis & tempestatibus, à casu & periculis mortis, victor hostium &c. accipe lapidem Ophthalmium, Mephytem, Terpistritem, Corallium; Orichem, Adamantem &c. Fatetur autem ipse Albertus in libro de Mirabil. Mundi, se legisse libros necromanticos, libros imaginum & magicos, atque sic didicisse ligationes hominum per incantationes, per characteres, per veneficia & sermones non aliunde proficisci, quam ab animæ humanæ grandis ac excessivo affectu, amoris, odii similisve passionis. Idem loquitur Theophrastus Paracelsus cum suis asseclis, nisi quod loco affectuum imaginationem nominet, cujus ope quicquid vult, potest efficere homo, si modo sat fortis fuerit impressio facta. Vide Thom. Erasti Disp. I. de Medic. Nov. Paracelsi pag. 189.

§. 9.

Apagē supersticiosa! apagē Magica! nam & hujusmodi deliramenta inter Medicamenta numerantur 5. damnanda. Hoc nomine si nullum aliud, certe dignissimum est *Unguentum armorum seu Sympatheticum Crollii*. Quamvis enim superstitio in genere ad Magiam pertineat, videtur tamen alia levior, alia gravior, ac sæpe tam improba, ut impossibile sit alium ei Autorem præter Diabolum assignare. Novimus, Deo sint gratiæ, pro vulneratis remedia sufficientissima; Cacodæmonis autem inventum est, à legitimis mediis ad illegitima ut transitum faciamus, fiduciæ sive imaginationis aut rectius phantasie vires exaggerare. Id tanquam simia Omnipotentis intendit, ut, quas promissiones habet fides piorum, ad superstitionem sive vanam fiduciam quantum possibile transferat. Hoc ut facilius impetret à mancipiis suis, non statim nocere aliis docet, sed etiam juvare. Saccharo igitur arsenicum, ut sic loquar, permiscet ad inescandum glîres, hoc est, suavitatem

miraculorum, aut rectius insolitorum effectuum, allicit credulos. Quid enim aliud est Magia, Incantatio, Ligamentum, quam fiducia in rem vanam ad producendum aliquem effectum mirandum; quem, cum supra naturæ vires sit, à Deo autem utpote naturalium facultatum Autore nullatenus expectari queat, non aliunde quam à Satana deducere possumus. Atque hoc fatentur, qui expressum cum eo pactum inierunt: non fatentur sed dissimulant, scire autem possunt ac debent, qui sub titulo Magiæ naturalis, curæ magneticæ, transplantatoris, sympatheticæ idem cum sagismagisque maleficis agunt; adeoque pactum ineunt tacitum. Quem quæso in finem servatur in Officinis utraque *Radix Victorialis*, ut vocant, *longa & rotunda*, scilicet ut vetulæ, Zingaro, militi nequissimo gratificemur, si se aliosve inviolabiles reddere cupiat. Ecquis usus est *Antirrini* alius, quam ut à mulierculis contra spectra, incantationes & veneficia tam præservationis quam curationis gratia recipiatur, ad balneandum, ad fumigandum &c. Atqui & hoc Nigromantici opus est, per media superstitiosa convocare ac fugare spectra.

§. 10.

Hæc cum ita se habeant, nemo est qui non cognoscat miseram Medicinæ nostræ conditionem, siquidem talia in Officinis vel oscitanter admittimus, vel approbamus temere, quæ citra famæ dispendium aut conscientiæ labem vir prudentis ac honestus permittere vel probare nunquam potest. Enimvero commodum est legere vestigia majorum nostrorum; via namque tritissima etiam tutissima erit. Fuere olim qui remedia istiusmodi magni fecerunt; sunt hodie iidem Medici Celeberrimi nihil adversus ea dicturi. Irritus itaque labor universus erit, quem in reformandis Officinis collocare quis velit. Permittamus cuique ut libertate fruatur sua, quandoquidem nil juvat inanem perdidisse operam. Quapropter habeant sibi, qui nec admoniti resipiscere cupiunt. Ego nihilominus ita concludo: Quæcunque remedia sapiunt vanitatem, super-

superstitionem ipsamque Magiam illicitam, ea Medicum haud decent. Atqui pretiosa, specifica, phantastice collecta & applicata sapiunt vanitatem, superstitionem ipsamque Magiam illicitam. Ergo Medicum haud decent.

CAP. VI.

De

Male Preparatis.

§. 1.

Solent pueri, ut tempus quandoque fallant, è pomo pyro-
sive varii generis cibos parare omnia ex omnibus: anseres
sine igne assare: pisces elixare sine aqua: ex arido ligno pi-
ctoque dolioso elicere incredibilem quantitatem vini ac cerevi-
siz, imo & aquar, si opus, non madefacientis manus. Hæc at-
que similia summo cum studio summaque cum attentione fa-
ciunt, ut jures rem maxime seriam agi. Pueri puerilia tra-
ctant. Haud vereor tamen idem de Pharmacopœis pronun-
ciare, quamvis non artifices amplius sed sapientes, atque phi-
losophi appellari malint: forsân de Medicis etiam nonnullis,
qui talia tolerant, approbant, jubent vel præscribunt. Id equi-
dem non miror factum fuisse tum temporis, cum labores Che-
mici adhuc infirmo starent talo, & infantiam, ut sic loquar, re-
dolerent primam: me potius malè habet, quod videam repue-
rascere viros, sibi placentes & blandientes in rebus nihilo meli-
oribus atque vix tolerandis.

§. 2.

Visitemus paulisper Officinarum Catalogum, vel appa-
ratum potius, aut si mavis utrumque; siquidem in Catalogo no-
minantur quædam, quanquam deficient: alia vicissim adfunt,
quæ inibi non recensentur. Sunt autem inter præparata quam-
plurima, quibus non modo carere absque damno, sed nec uti

honeste possumus. Quædam sunt penitus inutilia viribusque medendi destituta: quædam supervacaneo negotio paria: quædam imperfecta & quasi abortiva: nonnulla dubia incertique usus: alia inepte: alia depravate: alia fraudulentè præparata. Nec enim quisquam considerat concreti naturam, neque modum procedendi; sed quò magis mirabile ac inexpectatum emergit medicamentum, hoc plus æstimatur, si modo laboriosum minusque vulgare fuerit. Equidem unicuique aliarum finis est omnium præparationum, tam pharmaceuticarum quam Chemicarum, ut ad usum commoda reddantur, & ubi necesse, quadantenus emendantur simplicia; itaque separatur purum ab impuro, utile ab inutiles: corrigitur virulentum, nauseosum, ingratum, atque sic porro. Quæcunque igitur præparationes utilitatem nullam habent, neque vires concretorum exaltant, sed minuunt, ex tanquam pueriles, ridiculæ ac vanæ omnino rejiciendæ sunt.

§. 3.

Tales in Officinis præparationes notare possumus quamplurimas, si modo ex effectu judicare velimus. Ita enim observabimus 1. *inutilia* non pauca, prout supra cap. 3. §. 7. innui: Aquas potissimum destillatas penitus inodoras & insipidas. Numquis usus *Aquæ Pluvialis*, *Nivis* vel *Roris Majalis* destillati alius est, quam aquæ puræ fontanæ? Cumque ope Vesicæ nihil evocari possit, nisi quod volatile fuerit, satis apparet, huic destillationi non aliam subijciendam esse materiam, quam quæ odorata est, siquidem odor de præsentia particularum volatilibus testatur. Itaque si Regnum Vegetabile s. animale suppeditet materiam, si deprehendantur inodora, rejicienda est merito, tanquam minus idonea, è qua laudabilis aqua destillari queat. Tales sunt aquæ inutiles *Alchimilla*, *Alkekengi*, *Alibæ*, *Anagallidis*, *Aquilegiæ*, *Asparagi*, *florum Bellidis*, *Borraginis*, *Buglossi*, *Bursæ Pastoris*, *Calcatrippæ*, *Calendulæ*, *Capillorum Veneris*, *Candiacæ*, *Cardui benedicti* & *Mariæ*, *Centummodii*, *Chelidonii minoris*, *Cicborii*, *Consolidæ Majoris*, *Coffæ*, *Cucurbitæ*, *Cuscutæ*, *Cynosbæ*.

nosbati, &c. &c. Ex animali Regno *aqua Albuminis Ovorum, Spermatis Rinarum, Seri Lactis: Nec melior foret aqua Cordis Cervi, Cornuum Cervi senellorum, Hirandinum, Picarum, Pulmonum Vituli*, nisi alia fragrantiora & utiliora simul, aromatica, & plantæ aromatica, adjicerentur. In totum ergo nec laudari nec rejici possunt, sed in tantum, quatenus vel utilia vel inutilia recipiunt. Quis enim *aquam Carbunculi seu Imperatoris Maximil.* respuat, quanquam juxta Schroederi præceptum flores Borraginis, Herba Endiviz, Avellana, Semen Pezonæ, Rasura Cornu Cervi, Aurum foliatum, Margaritæ, Ossa de Corde Cervi, Lapidesque Percarum intempestive admisceantur. Sed de his utpote Compositis Capite sequenti.

§ 4.

Deinde ad ridicule præparata 2. referri omnino debent *supervacaneo labore facta.* Quid sibi volunt flores Benzoi? quid oleum Camphoræ? utpote quæ tota substantia æque laudabiles sunt. Anne melior est lapis præmelle nitro puro? Ecceur solvimus & præcipitamus iterum Sulphur, Succinum, Cornu Cervi & Alces, Ebur, Dentem Apri, Castoris, Equi marini, Mandibulas Lucii Piscis, Matrem Perlarum, Oculos Cancrorum, Ossa Sepia, Ovorum Struthionis &c; nisi facultates congenitas evertere velimus, quando emendare in Magisteriis non licet. Numquid peculiare promittit Chyssus vel Spiritus Antimonii, Martis sudorif. Eruginis cum Sulphure, Aperitivus Penoti, quod alia non præstent facilius parabilia. Annon puerile opus est Nitrum, Sal marinum atque Fossile destruere ac destillare primum, Spirituique acido non sine sumtibus parato iterum adjicere Sal fixum vel volatile, ut in salsum convertatur, sub titulo Spiritus Nitri vel Salis coagulati postmodum frustra servandum; nec enim Spiritus Vitrioli coagulatus, Tartarus vitriolatus & nitratus, Nitrum vitriolatum atque similia inter se adeo dissident, quin unum vel alterum eorum sufficere loco salforum omnium possit. Idem de Terra foliata tartari & Liquore illius dice-

rem, nisi quotidianus usus, etiam Medicinæ tyrannus, cum defenderet. Examinemus tamen processum. Annon tartarus calcinatur primum, ut deposita quam habet, aciditate in alkali convertatur: huic vero acetum affundimus destillatam, ut quantum possibile pristinam acquirat naturam; sed per destillationem abstrahendum iterum acetum est, idque opus aliquoties repetendum, si curiosior esse velis. Fac ut in cella fluat residuum, & sic paratus est liquor terræ foliatæ tartari, quodammodo lixiviosus, si paulo fortiorem ignem adhibeas sub finem destillationis. En liquorem alkalino salsum, sed opere paratum, qualem nullo alias negotio impetramus è cineribus vegetabilium, si modo lixivium à sale fixo residuum fervemus. Verum nec laboris supervacanei poenitet, alioqui parcerent ei, quando *As ustum & Crocus Veneris vel Martis adstringens atque aperitivus* desideratur, cum è capite mortuo *Æruginis* atque *Vitrioli* hæc omnia gratis & copiose haberi queant.

§. 5.

Haud magis æstimanda sunt 3. *imperfectè* ac saltem superficiei tenus *elaborata*. Ecce *Cornu Cervi vel Ebur Philosophice ac sine igne calcinata*. Habes autem utramque tam ex integro raspatum quam ustum: si gelatina tibi displicet, recipe ustum; si vero fluctuas, optasque medium quoddam, misce pro lubitu cum raspatum ustum. Interim Philosophi nomen deponere ad hunc actum, quamdiu sine iudicio puerile tentas artificium. Numquid aliud *Spiritus Tartari* quam acidum phlegma, oleo adusto aliquantisper imprægnatum? atque idem nihilominus ingreditur *Mixturam simplicem*, vevera simplicem, id est, minus ingeniosam, item *Tincturam Bezoardicam* sine Bezoar. Si enim aceto vini alexipharmaca virtus inest, cur loco Spiritus Tartari non idem recipis destillatum; nam & adustum sponte fluit, si ad siccitatem usque destillationem continuare velis; atque ita sat acre prodit, ut partem aliquam Spiritus Vitrioli affundendi detrudere tutò queas. Quodsi vero majora spe-

ras de Sale volatili aut Spiritu Tartari urinoso, facillimum erit è vini fecibus putrefactis eos parare, ut tanta ignis tortura non indigeas, neque additione nitri, calcis vivæ aut silicium, quemadmodum in destillatione *Spiritus Carminativi de tribus, aut Amelungi Tinctura Nephritica* fieri solet. Dubito tamen, an hoc pacto nobilius impetres remedium, si hunc Spiritum tartari volatilẽ cum Spiritu Vitrioli misceas, quoniam ab hujus acore Sal illius volatile rursus destruitur; saltem qui mixturam simplicem aut Tincturam bezoardicam ut vulgo paratur, ex acidis, aromaticis, atque spirituosiss, utilem quandoque reperit, ejus intentioni neque Spiritus volatilis tartari neque Camphora in majori pondere adjecta satisfacere vel convenire poterit.

§. 6.

Quis enim nostrum 4. *dubius facile fidat*, quamdiu de illorum viribus incerti sumus. Non dicam *Antimonium Diaphoreticum simplex & Martiale*, itemque *Antihædæicum Poterii*, modo vomitus, modo alvum, modo sudorem movere, dum initio Antimonium non accurate pulverisatum, ac postmodum cum Nitro non sufficienter fustum fixatumque fuerit; possent namque Pharmacopœi certiores de horum facultatibus esse, si ad horam stutere in Crucibulo illa permitterent; quandoquidem vero in mera detonatione aut leni ac momentanea fusione plerumque acquiescunt, itaque antimonialia raro secure dantur. Ast magis periculosa sunt vomitoria & purgantia dubio processu comparata. De *Auro fulminante* certum est, illud modo ignavum, modo corrosivum existere, quo plus iniussive in edulcando eo laboravit artifex; atque ideo nemo huc usque illo utitur solo, sed cum aliis maritato, ne vel nihil agat, vel nimium operetur. In præparatione *Tartari Emetici* vel *Cruci metallorum absinthiaci* quis est, qui non fallatur? nam & in croco metallorum parando, ac postmodum in digerendo aut decoquendo, ignem vel fortiolem vel leniorem adhibere potest, unde insignis emergit pharmacorum differentia. Idem
de

de *Syrupo Rubi Idæi emetico* metuendum: accedit, quod particula antimoniales tractu temporis subsidant fundumque petant cum saccharo in Crystallos abituræ, unde Syrupus reliquus vim suam paulatim amittit. Minus laudabilis est præparatio *Scammonii Sulphurati vel Diagrydii Cydoniati*; quantum enim arenæ aliarumque rerum peregrinarum adjectum sit, scire Pharmacopœum non attinet, cum tamen exinde justam decernere dosin oporteat. Potius recipit massam, purior an impurissima sit, parum sollicitus exponit fumo sulphuris accensi, aut malo Cydonio excavato ingerit ut per coctionem à succo ejus corrigatur. Quemadmodum autem impuritates scammonii hac ratione non remouentur debite, ita nec ipsum purgans æquales habere vires solet: quod enim inter fumigandum funditur id enervatur fere, quod intactum relinquitur, non aliud quam crudum est. Pariter in Cydoniato se res habet, quo acidius adhibetur pomum, hoc mitius evadit scammonium: quo dulcius maturiusque pomum, hoc fortius superest purgans. Sed *Laxuli losio* non modo dubia sed etiam prorsus inepta est: nec enim Pharmacopœus sibi constat, qualem post loturam velit: si lapidosum optet, cur non crystallum purissimam potius recipit aut Saxum purius? si coloratum seu metallicum, cur non optimum eligit ultramarinum? Nihil proinde agit, siquidem ejusdem dignitatis est & quod removet & quod cum tædio servat, & quidem pro conditione mineræ modo magis modo minus nauseosum.

§. 7.

Plura si nosse cupis inepta seu §. recensenda *incongrue facta*, en illustria quædam specimina? *Olcum Perlarum, Carbunculi, Coralliorum*. Numerantur scilicet Margaritæ, Lapidæ pretiosi & Corallia inter Cordialia, procul dubio si acidus humor in corpore peccet, convenientissima. Sed quis usus erit præcipitantium seu absorbentium, postquam saturata sunt ac penitus dissoluta per acetum, succum Citri, Spiritum Salis aut acidum quodcunque. Si diureticum salsumque liquorem expe-

expetas, certare vel etiam pari passu ambulare cum liquore Lapidum Cancrōrum aut Nephritico poterunt. Si vero Cordiale desideras medicamentum, insigniter erras. Verum nec Chēmicī magni nominis defunt, qui *Sal Coralliorum*, *Margaritarum* & *Matris perlarum* inter corroborantia miris deprædicant encomiis, atque hoc pacto ad Laudanum opiatum, Elixir uterinum aliaque polychresta recipiunt. Errant similiter, qui nimis volatilia redigere in formam Extracti volunt. Quanquam enim per affusum vini spiritum virtus simplicium ejusmodi eliciatur commode, non remanet tamen in fundo, sed abstrahitur simul cum menstruo, ut non nisi magna ignobile ut plurimum superfit. Hujus farinae sunt extractum *Cochleariae*, *Liliorum convallium*, *Ruta*, *Salvia*, *Majorana*, *Melissa*, *Mentha*, *Pæonia*, *Rosarum*, *Violarum*, *Primula veris*, & in genere odoriferarum plantarum. Nec satis attendisse videntur insitam rerum naturam, convenientiam & dissensum, qui *oleum Cydoniorum vel foliorum Salicis* parare docent per infusionem olei communis; quomodo enim cohererent inter se adstringentia & emollientia? Equis fingendus est casus, in quo tale oleum prodesse valeat?

§. 8.

Enimvero sunt alia 6. quæ de industria præparando corrumpunt Pharmacopœi; plus minusve prout ipsis libuerit. Mæcerant nimirum quædam in aceto, ut castrentur, e. g. *Radix Ari*, *Esula*, *Hellebori*, *semen Cumini*, *Coriandri*, *fructus Anacardiorum*, *Gutta Cambodia* &c. Alia torrent ut enerventur, *Rhabarbarum* & *Opium*: alia comburunt uti *Sericum*; utque salia fixa in majore prostent numero, cremant vegetabilia aromatica; adstringentia, refrigerantia, emollientia & anodyna, quasi vero nativa virtus in cineribus post deflagrationem superesse possit. Talis est *sal fixus Angelica*, *Anisi*, *Acori*, *Calamintha*, *Carvi*, *Caryophyllata*, *Cheresei*, *Cinamomi*, *Cumini*, *Fenniculi*, *Hyssopi*, *Liliorum convallium*, *Matricaria*, *Melissa*, *Ori-gani*, *Petroselini*, *Rosmarini*, *Ruta*, *Salvia*, *Serpilli*, *Mentha*,
G
Pefo-

Perfoliata, Prunella, Tilia, Mercurialis, Borraginis, Buglossi, Pæonia, Althea, Malva, Melioli, Chamomilla vulgaris atque Romant, Sambuci, Anethi, Nicotiana. Si autem specifica virtus inter deslagrandum perit, cur non utimur sale Tartari vel cinerum clavellatorum loco istorum omnium? Quid perdimus resinosa vel dulcia, & destruimus facultates insitas, quando spiritum atque oleum è Ligno Guajaco, Mastiche, Olibano, Gummi Ammoniac, Melle, Saccharoque destillamus? Annon alia suppetunt olea empyreumatica, ut ex oleo communi olivarum in se mitissimo præparare contrarium plane oleum philosophorum necesse sit? Iudicent alii, annon Petroleum explorare vices hujus & olei succini, & quorumcumque similium abunde valeat.

§. 9.

Non aliam vero hujusmodi præparationum proflus incongruarum causam existimo, quam quod gloriæ sibi ducant Cinisfones, si evertere queant omnia; accedit cupido ditescendi, qua permoti nec fumum vendere ac manifeste falsa erubescunt. Appellabimus hæc 7. *sophistice præparata.* Instar omnium Aurum potabile seu Tinctura Solis, quæ tamen communiter nil minus quam de Auro participant. Autenim Auri solutionem continet in se, tum corrosiva est admodum instar olei Vitrioli, ut vix unam alteramque guttulam copioso dilutam vehiculo agris exhibere queamus: aut siavis est ac temperata, omnis metalli experts, cochleatum sumenda, si eam experiri velimus efficacem. Sed impostura est enormis, Auro tribuere vires, quas rectius, si modo aliqua sunt, menstruis assignare decebat, nisi decipere incautos largaque pecunia pretiosam vendere Tincturam propositum esset. Utinam considerarent hi deceptores pessimi, non aris modo sed etiam vitæ jacturam frequentius ægrotantes facere, dum fraudulentò confis remedio alia meliora magis convenientia negligunt. De Antimonii Tinctura & Oleo dulci, ut & de Sulphur Vitrioli nihil dicam, nisi quod amplissimis promissionibus Aurosum & expc-

expectationi miserorum haud respondeant. *Coralliorum* autem *Tincturam intactam* relinquere nequeo, utpote quæ non minus dolosa est quam Aurum potabile. Habemus in Officinis nostris præter simplicem tres adhuc compositas, D. Michaëlis, *antiscorbuticam*, *sassafrasam* & cum *Spiritu Cordis Cervi paratam*. Nullum est dubium, quin additamenta suppleant *Coralliorum* defectum in iis: speciatim autem de *Tinctura Coralliorum* cum *Spiritu Cordis Cervi* moneo, eam quidem, nisi Ambra Moschoque animetur, esse vanissimam. An vero mulieribus promiscue, febreque maligna correptis exhiberi secure possit, de eo videant, qui vix quenquam mori permittunt prius, quam hac *Tinctura* tanquam suprema benedictione donatus fuerit.

§. 10.

Magno conatu magnas nugæ, i. e. labore plurimo paratæ nullius momenti remedia vidimus plurima. Itane de corio luditur humano? de sanitate? de vita? Sed quid mirum? quandoquidem his diebus Ars Medendi fere desinit esse liberalis, & Medicamentorum præparatio imperitis relinquitur, pro lubitu instituenda. Nec vero sufficit culpam coniecisse in Pharmacopœum, si fortassis remedia non fuerint, qualia esse debebant, Medicus profecto, ut suo satisfaciat officio, teneatur etiam, ne nihil eorum intermittat, quæ profutura ægris novit ac nosse debet. Quapropter & seligere optima, & curam gerere oportet, ut rite cuncta præparentur, ne morbus in defectu remediorum idoneorum ac necessariorum vel protrahatur vel deterior fiat cum ægrotantium insigni dispendio sumtuum viriumque vitalium. Argumentor sub finem huius Capituli ad hunc modum: Quæcunque Medicamenta implicant nugæ, imprudentiam vel imposturam cum damno ægrorum conjunctam, ea merito rejiciuntur. Atqui Medicamenta inutiliter, supervacuo, imperfecte, dubie, inepte, corrupte, sophistice præparata, implicant nugæ, imprudentiam, imposturam cum damno ægrorum conjunctam. Ergo rejiciuntur merito.

CAP. VII.

De

Incongrue mixtis.

§. 1.

SI ea foret Simplicium conditio, ut adversus quemvis morbum saltem unicum daretur Medicamentum omnibus circumstantiis satisfaciens, non indigeremus compositione aliqua. Quoniam vero pro diversitate Subjectorum idem morbus saepenumero variat, diversis comitatus symptomatibus, itaque miscere frequentius oportet Simplicia, ut indicationibus ex omni parte satisfiat. Fieri autem id ipsum debet cum iudicio, ne quid frustra, temere vel inepte adjiciatur. Ut enim compositio Medicamentorum instituat decenter, attendendum est ad Circumstantias longe plurimas, virtutem, saporem, odorem, colorem, consistentiam, quantitatem, numerum, proportionem & ordinem ingredientium. Has qui negligit, miscere Medicamenta non videtur, sed confundere, vel etiam corrumpere. Unde nec mirum est, si frequentius acri majus levamen auxiliumque sentiant ab usu Simplicium, forte à radicum collectore commendatorum, vel ab unguento quodam artificiose haud excogitato, quam à Chirurgorum, Pharmacopœorum vel etiam Medicorum apparatu omni, ut ut specioso, magnisque laboribus sumptibusque comparato.

§. 2.

Recipiuntur t. frustra inutilia quædam ad Compositionem. Quid enim e. g. pro Epithemate Epatis valebit *pulvis Coralliorum ac Spodii*; pro Epithemate Cordis etiam *Fragmentorum Lapidum pretiosorum omnium, Ossis de corde Cervi, Margaritarumque preparatarum pulvis*, externe applicatus? Quid volunt *Entalia & Dentalia, Umbilici, Corallia, Crystallus & Marmor in Unguento citreo seu Basilico Nicolai*? Quid *Concha Veneræ usita in Pilulis de Bdellio*? Quid *Carpobalsamum, semen Saxifragie, Asparagi, Ruscii, Milii Solis atque Rosarum in Pilulis Arthriticiis*?

Ni4

Nimirum inutilia in hoc passu dicuntur non tantum ea, quæ respectu morbi talia sunt; sed & quæ respectu formulæ, ad quam recipiuntur, inutilia existunt; ac minus quadrant. e. g. *Radicem Ireos nostri Ehuli atque Curcumæ, Rhabarbarum, Florb. Soldanella; floresque Geniste* hydropicis prodesse nullum est dubium; ast qui peculiare *Sal hydropicum juxta Mysiceturæ* exinde sibi promittit, vanus est, siquidem facultas horum putgandi per combinationem non minus pepit, quam *seminis Erucæ, Cumini, Cubebarum, Nucis Moscib. Macis*que virtus carminativa.

§. 3.

Annon frustra miscentur 2, quæ plane sibi similia sunt & æquipollentia, e. g. *Sal. Cardui Bened. Absinthii & Centaurii min.* In *Sale febrili Myns.* *Corallia rubra & alba, Bolus vel Mangâ cum Terris sigillatis aut Creta: Radix Alibæ ac Malvæ, Popyodii & Glycyrrhizæ, Cinamomum & Cassia, Cardamomum majus & minus, Piper album, nigrum & longum: Cornu Cervi & Alcis, Lapidæ & Obelæ cancerorum, Mater perlarum & Margaritæ* Ecce in pulvere *Pannonico; Marchionis Anglico,* aliisque Compositionibus passim. Quanquam enim in his atque similibus aliqua deprehendatur differentiâ; exigua tamen est, nec adeo attendenda, nisi velimus in minimis videri nimis curiosi. Quid juvat *Saccharum albißimum* cum *Cando* atque *Penidio* sociare ad *Trochiscorum Bechicorum alborum & nigrorum* fabricam? Nihil frequentius est, quam ad Emulsionem recipi *quatuor semina frigida majora,* quasi unicum ex iis non sufficeret. Vidi hominem pauperrimum & simplicissimum simul, quotiescunque panem ederet quotidianum, primum separasse cum cura crustam & degustasse, post rascam, ultimum combinasse iterum utramque partem æquali magnitudine atque in bolos formasse modo una, modo vel alternis vicibus trasti-candos. Hoc pacto ajebat, se posse multiplicem parare cibum ex unico pane. Ego autem misertus hominis, quærol quid potares? Aquam, responder, ubique obviam. Quot pit-

tei, scaturigines, flumina in hac regione sunt; tot mihi potus genera; sed optimus est, quisquis in manus venit sitienti. Hæc ille. Jam vero cogitandum cunctis Gordatoribus relinquo, annon stupidiore sint simplicissimo, qui non raro in potionibus fontanam cum fluviali h. e. insipidam cum fatua miscent aqua; nec enim aliud agunt, qui *Nucem Moschatam* cum *Mace* in Tragea præscribunt, & in decocto *Corticem Guajaci* cum *Ligno*, quam quod crustam panis cum mica rursus connectant.

§. 4.

Pertinent ad vanas Compositiones 3. etiam illæ, quæ fugitiva & minus durabilia recipiunt: *Camphoram* e. g. *Sperniola Crollii*, & *Species de Tragacantha*, *Ambram* vel *Moschum* pulvis *Analepticus Mindereri*, *Cachecticus Quercetani Species Rosata*, *Cordiales*, *Latificantes*, *Liberantes*, &c. In genere Aromata & quicquid odorem de se copiosum spargit, in forma pulverum asservari non debent. Norunt id coquinae aut matres familias, *Cinamomum*, *Caryophyllos*, *Zingiber* ac *Piper*, integra potius quam contusa servantes, quod magnam partem suæ bonitatis amittere hac ratione illa expectantur. Annon simile quid accidit in Officinis, ubi plusquam sexaginta species Aromaticæ præter modo nominatas habentur, quarum tamen usus tam frequens haud existit; si vero quoddam eorum aliquando præscribatur, non potest non ignavum ac pene inutile interea fieri. Cur ergo tolerantur? Nec enim adeo ingeniosæ sunt Compositiones, quibus pares non ex tempore discipulus medicamentarii conficiat. Careamus his igitur, & ubi opus, sumamus Aromata & quæcunque odorata potius recentia.

§. 5.

Magis ineptæ sunt 4. Compositiones, quæ constant contrariis ac pugnantibus inter se, ita ut unum ex ingredientibus destruat alterum; ejusque Operationes impediant; quando videlicet sive acientia coeunt cum foetidis, dulcia cum amaris, refri-

refrigerantia cum calefacientibus, humectantia cum siccantibus, incrassantia cum solventibus, adstringentia cum purgantibus, atque sic porro. Numquid ineptius inveniri potest, quam *Castoreum*, *Sagapenum*, *Asam fetidam* jungi *Cinnamon*, *Ambra* aliisque suaveolentibus? nihilominus id fieri assolet in Laudano, opiato & hysterico; in Pilulis fœtidis, arthriticis, &c. Ecquid valet *Polypodium* cum *Colocynthide* copulatum in Pilulis aggregativis? *Glycyrrhizæ succum Absinthii* que in Pilulis, de Rhabbarbaro? Forsan non deerunt, quibus dulcamara placent, alioqui frustra pararetur *Syrupus* vel *Conserva*, vulgaris & Pontici *Absinthii*, *Centaurei minoris*, *Chamaedryos* &c. Quis *Camphora* cum Albumine ovorum, *Cerussa* & Oleo rosato temperata in Unguento ad ambusta vel Albo Camphorato sit usus, ægri testantur eum experti. Annon *Mucilagines Psyllii*, *Lini*, *Altheæ*, *Malvæ* ac *Cydoniorum* deponunt suam emolliendi facultatem vel humectandi, quandoque *Lithargyrium*, *Cerussa* & acriora gummata vel resinae iis adduntur, prout in Emplastro *Diachyla*, Unguento ad *hemorrhoides* &c. Nec temperare Catarrhi acrimoniam vel incrassare serum tenuius poterunt flores *Sulphuris* ac *Magisterium Benzoë* in pulvere *Pectorali D. Mich.* ubi *Radix Ari* copiosior adjicitur. Fortasse melius etiam foret ad roborandum stomachum servare *Cydoniorum fructus*, quam inutiliter tere, re ac perdere in præparatione *Gelatina laxativa*.

§. 6.

Huc referimus merito quoque Compositiones illas, quæ s. nociva in se continent. Vulgo notissimum est, quam ægre ferant saccharum mulieres ad passionem hysterica præpônæ; ass in putere hysterico *August.* & contra abortum idem superaddi religio est. In vulneratis dum inflammatio adest, nocet manifeste vinum, Spiritus vini, volatilia & acria quæcumque: non verentur tamen Practici ad imitationem D. Michaelis propinare quandam *essentiam Funerariam*, ex acribus adstringentibus & solventibus paratam cum spiritu vini, cui

cui etiam pro lubito *essentiam Mumia aut Tincturam Myrrhe* infundunt: quo vero cum successu detur, ipsi viderint. Quis Phthisico permittat Piperis esum? aut *Confectionem Archigensis*, longo nigroque sat acuatam, commendant communiter omnes. Verum quæ nominavi, nociva saltem sunt particulariter huic vel illi subjecto, aut in certo morbi genere. Sunt alia universaliter nociva ideoque prorsus rejicienda, uti *Lazuli & Armenius lapis*, de quo Cap. III. §. 6. videri potest: item *semen Hyoscyami* similiaque narcotica. Ingreditur autem hoc ipsum *Pilulas de Cynoglossa*, *Confectionem auream Alexandrinam*, *Athanasiam magnam*, *Trypberam magnam*, *Philonium Persicum & Romanum*; dumque in his minor quantitas occultatur Hyoscyami, haud licet ejus virulentiam satis addiscere, quam tamen, si seorsim exhibitum fuerit, manifeste cernimus; quatenus homines mire stupidos reddit, quanquam in dosi non excedatur. De *Nuce Vomica* sane dubito, an unquam solitarie quis eam tentari prius, quam in *Electuario de Ovo vel Camphoratum Kegleri* rectiperetur. Ponamus autem illam vel alexipharmacam vel deleteriam esse, quid sperandum vel metuendum ab ea, cujus ne unicum quidem granum ad integræ drachmæ dosin redit. Sed optimum erit vel omittere in casu dubio quod suspectum est, vel potius totum rejicere compositum, ne mutilando formulam injurii sinus in Authorem.

§. 7.

Profecto malim 6. *antiquas Compositiones* omnes suppressimere, utpote *sine ordine, sine proportionibus, sine artificio*, aut verius *sine omni judicio ut plurimum conscriptas*. Quo plura in iis numerantur ingredientia, hoc plura notari possunt errata, ut jurare ausim, in quamplurimis non tam fuisse illa de industria sic collecta, quam fortasse casu aut per errorem collapsa, corrasa, confusa, coacervata. Nec enim ratio apparet ulla, propter quam pene innumera in eandem confluant pyxidem, quæ nec inter se quadrant, nec morbo rectè oppo-

opponi possunt ; Pro polychrestis tamen, si non universali-
bus ac Panaceis, venditantur quandoque Cephalica, Cordia-
lia, Becchica, Stomachica, Epatica, Splenetica, Diuretica, Su-
dorifera, Purgantia, Opiata & nescio quæ non absurdissima,
& se invicem destruentia in unum congeruntur cumulum.
Adeo inconditæ sunt pleræque formulæ, ut frequentius au-
tor earum videatur studiose ineptire ; instar omnium sit,
Mithridatium & vix differens, nisi auctior foret *Theriaca*.
Ecce tibi *Cephalica* in Theriaca, Nardum Indi & Celtic. Di-
ctamnium Cret. Stœchadem Arab. Polium Cret. Amomum,
Cardamomum & Ammi : *Cordialia* sunt Rosæ, Cinamomum,
Cassia-lignea : *Becchica* sunt Trochisci de Scilla, Iris Illyrica,
succus Glycyrrhizæ, Thus, Styrax Calaminta, Gummi Arab.
Stomachica sunt Magma Hedychroi, Piper longum, nigrum &
album, Zingiber, Opobalsamum : *Carminativa*, Costus, Me-
um, Acorus, fol. Malabathri, Anisum, Schœnanthium, Fœni-
culum ; *Uterina*, Nepeta, Castorium, Galbanum ; *Aperien-
tia*, Myrrha, Marrubium, Chamæpitrys, Chamædrys Cretica,
Seseli, Thlaspi, Hypericum, Aristolochia, Centaurium minus ;
Diuretica, sunt semen Petroselini Mac. Terebinthina, semen
Dauci Cret. *Sudorifera*, Trochisci de Vipera, semen Buniadis,
comæ Scordii Cret. Terra Lemnia, Phu Ponticum, Gentiana ;
Adstringentia, Rad. Quinquefolii, succus Hypocistidis, & Aca-
cia ; *Purgantia*, Agaricus, Rhabarbarum, Sagapenum, Opo-
panax ; *Anodyna* sunt Opiûm, Crocus. Reliqua nullius sunt
pretii, Chalcitis, Carpobalsamum, Bitumen judaicum. Vi-
delicet in Universum 64. sunt ingredientia, etiamsi non atten-
damus, quæ ad Compositionem Trochiscorum Scilliticorum
atque de Vipera, itemque ad Magma Hedychroi recipiuntur.
Atqui nec hic suffecit numerus, sed à Medicis Romanis &
Bononiensibus auctus fuit, usque dum ad 90. ascenderet ; nem-
pe addenda erant adhuc varia, Trochisci de Camphora, Scor-
dium nostrum, Folia Card. Ben. Rhaponticum, Radix Tormen-
tillæ, Zedoariæ, Myrobalani Emblicæ ac Chebulæ, Siler mon-
tan. Abrotanum, succus lentisci, &c.

H

§. 8.

Quem in finem, quæso? scilicet ut auctior prodiret Theriaca. Sed ponamus hæc omnia materialiter inter se coherere optimè; formaliter tamen spectata plusquam puerilem ostendunt simplicitatem. Annon sana ratio dicat, similia esse conjungenda, contraria separanda: item in exhibendis mitioribus Medicamentis nos liberaliores esse debere, in generosis parciores, atque sic porro. Cur igitur non coniunguntur Anodyna, Purgantia, Aperientia & Adstringentia. Si vero id ipsum nimis laboriosum foret, cur non Radices, Herbar, Semina, Succi &c. in certas rediguntur classes, aut ad minimum ordine Alphabetico recententur ingredientia, ut saltem qualicumque methodo digesta videri queant. Quid dicam de Proportionem? Conceditur largissima dosis, quibus competeret parcior, & è contrario parcellima, quæ largiore propinanda erant. Præscribuntur æquali pondere, quæ plane diversæ naturæ ac efficaciz sunt; sed inæquali, quorum virtus non dispar est. Exempli loco sit Opium, cuius tres recipiuntur unciz, Croci drachmæ sex, Gummi Arabicum & Cardamomam in æquali dantur pondere: piperis longi sumuntur Unciæ tres, nigri & albi drachmæ sex. Si rationem hujus rei postulas, nulla reddi potest alia, quam sic voluisse Autores: forsan etiam habuisse alios, quos imitati fuerint; Nam & recentiores putant, hodie adhuc id sibi licere, quod olim haud prohibitum fuit. *Pilula de Cynoglossa*, prout à modernis correctæ cum Castorio leguntur in Pharmacopœa Augustana recipiunt *Opii, rad. Cynoglossi, seminis Hyoscyami ana unciam semis, croci Drachmam unam semis*. Quis non probaret potius Croci unciam unam, Opii drachmam unam, spreto Hyoscyamo? Anne Colocyntis æquali pondere cum Hermodactylis, Myrobalanis, foliis Sennæ, Agarico & Epithymo rectè misceatur; id tamen jubet Mesue in *Pilulis de Hermodactylis, Nicolaus in Pilulis de Hiera, de Myrobalanis & octo rebus &c.* ergo inhaerendum est strictè formulis medicamentorum etiam absurdissimis.

§. 9.

Enim vero si hæc tolerantur vel probantur Compositiones, cur non, quotquot in officina prostant, simplicia & Composita in unam co-
gimus massam? Nec dubium est, quid ex innumeris ita collectis unum
vel altcrum habeatur semper, quod cuique morbo directe oppositum sit.
Id, nisi fallor, in mente habuit *Mattbiolus*, quando ad *Antidotum suum*
non modo species ad Mithridatium & Theriacam requisitas recipit,
multisque additamentis auget, sed præter alia Composita ipsam quoque
Theriacam ac Mithridatium admiscet, si quid forte in una Compositi-
one omisissum, ut cum altera tamen accedat. Legi autem merentur
Zvvelferi Animadversiones in eam. Plura non addo: jamjam enim &
chartæ & temporis pœnitet, huic examini Compositorum cæterarum-
que ineptiarum impensis. De Compositis enim, qualiacunque sint,
constanter statuo, deleantur in totum. Indignus namque titulo Medi-
ci videtur, qui non quotiescunque velit, ex tempore meliora & ad
ægrorum quorumcunque statum magis accommodata præscribere ve-
leat. Ad nauseam quippe vidimus, quam parum in hæcenus notis Com-
positionibus insit vel artificii, vel iudicii. Argumentor proinde hunc
in modum: Quæcunque Medicamenta nec adeo utilia neque necessa-
ria sunt, sed multis modis inepta, illa ex Officinis dinitti possunt,
Atqui Composita pleraque nec adeo utilia, neque necessaria sunt, sed
multis modis inepta. Ergo ex Officinis dimitti possunt.

§. 10.

Verum videbitur Censura hæc mea Medicamentorum Officina-
lium non paucis rigorosior: utinam excitet Viros cordatiores, uti-
nam Principes, qui hoc etiam in passu salutem publicam curarent, sta-
tumque Pharmacopolorum summe depravatam tandem aliquando
corrigerent, reformarent. Id mecum optant omnes boni, haud facile
sperant: Causam reddit Leonh. Fuchsius in Dedicatione Operis Nico-
lai Myrepsi h. e. Ungventarii Alexandrini; cujus verba hæc sunt:
Esse medicina, arti omnium pulcherrima, utilissima ac maxime necessaria,
paucis admodum annis plurimum de pristino suo nitore accessit, hæc mul-
tum veteris splendoris recuperavit: tamen omnibus constat, eam partem,
quæ de medicamentis tum simplicibus tum compositis agit, nondum plane esse
expolitam suisque mendis prorsus repurgatam: neque id sane temere.
Nam obstat in primis rei difficultas & magnitudo, cur ea celeritate qua cæ-
tera huius artis partes, suum splendor in nancisci nequeat. Ut enim sim-
plicium quis exquisitè notitiam habeat, atque mistorum ex iis naturam
recognoscat, huic necesse est, ut terra nascentium omnium species, formas, di-
scri-

*scrimina, qualitates, adeoque vim omnem diligenter expendas perspectam-
que habeat: item prata, segetes, areas, campos, vineas, hortos, syl-
vas, montes, collium flexus, valles, planities, opaca, lucos, ipsa etiam
terra marisq; viscera lustrat. Quibus sane omnibus perlustrandis quum u-
nius hominis vita baud sufficiat, quid mirum si huius partis progressus sint
tardiores? praesertim quum hanc tarditatem non parum medicorum nostra
aetate ignavia iuvet. Quotus enim quidq; est Medicorum, qui simplicium
cognitione incensus, vel proximum lucum hortumve petere velit? tantum
abeest ut vastas ac longinquas solitudines lustrare dignetur. Quin eo stu-
piditatis plurimi illorum perveniunt, ut hanc rem ad se non pertinere existi-
ment. Quocirca praclare rem gessisse putant, si ad praescriptum indoctissimo-
rum pharmacopolarum, in quos hanc plane curam transferant, nullo ne-
que delectu neque iudicio adhibito, quaevis ipsis oblata medicamenta usur-
pent: ut nemini mirum videri debeat, si egroti ab iis medicamentis interdum
non solum nil juventur, sed plurimum etiam ledantur. Sunt enim &
ipsi pharmacopola, aequè atq; Medici, simplicium medicamentorum rudes &
ignari, ut qui etiam curam cognoscendorum & inquirendorum simplicium
in mercatores omnium avarissimos, & ad fallendum pulchre instructos,
stultas deniq; ac magna ex parte superstitiosos mulierculas, ex quarum fide
toti pendunt, rejiciant. Quare quum universum fere medica materia
negotium hodie sit in mercatorum, muliercularum, & imperitorum se-
plasiariorum manibus, non est cur de pristino ejus nitore nobis aliquid
polliceamur: praesertim quum in hodiernum usq; diem adulterina multa,
que pro legitima in usum quotidianum irrepperunt, passim in publicis me-
dicorum officiniis impune ferantur, ac spectantibus etiam medicis, nullo me-
tu, medicamentorum misturis & compositionibus inferantur. Tantum
enim abest ut imposturam hanc prohibeant, ut potius pro ea tuenda ac as-
serenda, baud secus quam pro aru & focu digladiantur. Ut cerre mirum
non sit, si seplasiarii quoque ipsi hac errata, freti medicorum patrocinio,
tanquam sibi per manus tradita, forti animo & alacriter retineant ac de-
fendant. Proinde non est cur pristinum nitorem recuperaturam hanc
partem medicinae, qua simplicium notitiam tradit, speremus, nisi primum
doctissimorum hominum industria & assiduus laboribus, à suis erroribus,
qui vitio temporum & medicorum negligentia in illam irrepperunt,
(perinde ut olim Auzia stabulum) ab immensa fini-
copia fuerit repurgata.*

Tantum.



